


詩

送行



文苑英華卷第二百七十一

詩一百二十一

送行六

崔曙一首

沈頌二首

熊曜一首

丘為一首

張謂八首

岑參十首

張衆甫一首

徐嶷一首

苑咸一首

包何三首

李嘉祐二十首

張南史五首

錢起八首

賈至六首

鮑防一首

送薛椽之宋州

崔曙

無媒嗟失路有道亦乘流客處不堪別異鄉應共愁我生
早孤賤淪落居此州風土至今憶山河皆昔遊一從文章

事兩京春復秋君去問相識幾人成白頭

送金文學還日東

沈頌

君家東海東君去因秋風漫漫指鄉路悠悠如夢中煙霧
積孤島波濤連大空冒險當不懼皇恩持爾躬

送人還吳

前人

人心不忘鄉矧余客已久送君江南去秋醉洛陽酒贈言
幽徑蘭別思河堤柳征帆暮風急望望空延首

送楊諫議赴河西節度判官兼呈韓王兩侍御

熊曜

賢哉征西將幕府多俊人籌議秉刀尺話言在經綸先鞭
羨之子走馬辭咸秦廷論許名實數公當即真行行弄文
翰婉婉光使臣今者所從誰不聞歌苦辛黃雲蕭關道白
日驚沙塵虜寇有時獵漢兵行復一作夜巡王師已無戰傳

檄奉良臣

送閻校書之越

丘為

南入剡中路草雲應轉微湖邊好花照山口細泉飛此地
饒古跡世人多忘歸經年松雪在永日世情稀苦閣應相
望芳時不可違

送裴侍御還上都

張謂

楚地勞行役秦城罷鼓鞶舟移洞庭岸路出武陵溪江月
隨人影山花逐馬啼離魂將別夢先爾到關西

錢田尚書哀州

前人

忠義三朝許威名四海聞更乘歸魯詔猶憶破胡勳別路
逢霜雨行營對雪雲明朝郭門外長揖大將軍

送韋侍御赴上都

前人

天朝辟書下風憲取才難更謁麒麟殿重簪獬豸冠月明

湘水夜霜重桂林寒別後頭堪一作白時時鏡裏看

送杜侍御赴上都

前人

避馬臺中貴登車嶺外遙還因貢賦禮來謁大明朝地入
商山路鄉連渭水橋承恩反南越罇酒重相邀

道林寺送莫侍御

前人

何處堪留客香林隔翠微薜蘿通駟騎松竹挂朝衣霜引
臺鳥集風驚塔鴈飛飲茶勝飲酒聊以送君歸

別睢陽故

前人

少小客遊梁依然似故鄉城池經戰陣人物恨存亡夏雨
桑條綠秋風麥穗黃香書無寄處相送一霑裳

送皇甫齡宰交河

前人

將軍帳下來從容小邑彈琴不易逢樓上胡笳傳別怨罇
中臘酒為誰釀行人醉處雙門道少婦愁看七里烽今日

相如輕武騎多應朝暮客臨邛

別韋郎中

前人

星軺計日赴岷峨雲樹連天阻笑歌南入河庭隨鴈去西
過巫峽聽猿多崢嶸洲上飛黃葉灑瀕堆邊起白波不醉
郢中桑落酒教人無奈別離何

奉送李太保兼御史大夫克渭北節度使

即太尉

弟之

岑參

詔出未央宮登壇近惣戎上公周太保副相漢司空弓抱
一作挽關西月旗翻渭北風弟兄皆許國天地荷成功

(以下十篇並見集本)

趙少尹南亭送鄭侍御歸東臺

前人

江集作經亭酒篋香白面繡衣郎砌冷蟲喧座簾疎雨到床
鍾催離興急絃逐詩選醉歌長關樹應先落隨君滿路集作霜

送崔負外入奏因訪故園

前人

欲謁明光殿應趨建禮門
仙郎去得意亞相正承恩
竹裏巴山道花間漢水源
憑將兩行淚為訪邵平園

送韋侍御先歸京

前人

聞欵朝龍闕應須拂豸冠
風霜隨馬去炎暑為君寒
客淚題書落鄉愁對酒寬
先憑報親友後月到長安

送裴侍御赴京

前人

羨他驄馬即日謁明光
立處聞天語朝迴惹御香
臺寒栢樹綠江暖柳條黃
惜別津亭暮揮戈憶魯陽

送楊子

前人

斗酒渭城邊壚頭耐醉眠
梨花千樹雪楊葉一作柳萬條煙
惜別添壺醞臨歧贈馬鞭
看君潁上去新月到家圓

送鄭少府赴滄陽

前人

子真河朔尉邑里帶清漳
春草迎袍色晴花拂綬香
青山入官舍黃鳥出宮牆
若到銅臺上應憐魏寢荒

送王大昌齡赴江寧

前人

對酒寂不語悵然愁一作悲
送君明時未得用白首徒工集作

文澤國從一官滄波幾千里
羣公滿天闕獨去過淮水
舊家富春渚常憶卧江樓
自聞君欲行頻夢南徐州
窮巷獨閉門寒燈靜深屋
北風吹微雪抱被肯同宿
君行到京口正是桃花時
舟中饒孤興湖上多新詩
潛虬且深蟠黃鶴舉未晚
惜君青雲器努力加食飯

送楊瑗集作張子尉南海

前人

不擇南州尉高堂有老親
縣樓重蜃氣邑里雜鮫人
海暗三山雨江明五嶺春
此方多寶玉慎莫厭清貧

送楊錄事充潼關判官

得江字

前人

夫子方寸裏秋天清集作澄霽江關西望第一郡內政無雙

狹室下珠箔連宵傾玉缸平明猶一作使未醉斜日一作

隱高集作窻

張衆甫

送李司直使吳

使臣間氣集方擁傳王事遠辭家震澤逢殘雨新豐過間氣

集作落花水萍千葉散風柳萬條斜何處有離恨春江無

限沙

有離恨又玄集作

送馬向入蜀

徐嶷

遊子出咸京巴山萬里程白雲連鳥道青壁迤猿聲雨雪

經泥坂煙花望錦城工文人共許應紀蜀中行

送大理正攝御史判涼州別駕

苑咸

天子念西疆咨君去不遑垂銀棘庭印持斧栢臺網雪下

天山白泉枯塞草黃佇聞河隴外還繼海沂康

送帝侍御奉使江嶺諸道催青苗錢

包何

遠近從王事南行處處經手持霜簡白心在夏苗青迴鴈

書應報愁猿客屢一作聽因君使絕域萬物盡來庭

送李使君赴泉州

前人

傍海皆荒服分符重漢臣雲山百越路市井十洲人執王

來朝遠還珠入貢頻連年不見雪到處即行春

送王文宰江陰

前人

郡北乘流去花間竟日行海魚朝滿市江鳥夜喧城止酒

非關病援琴不在聲應緣五斗米數日滯淵明

送王諫議克東都留守判官

李嘉祐

時稱謝康樂別事漢平津衰柳寒關道高車左掖臣背河

看北鴈到洛問東人憶昔遊金谷相看華髮新以下二十篇

送王牧往吉州謁王使君叔

前人

並見集本

細草綠汀洲王孫耐薄游年華初冠帶文體舊弓裘野渡
花爭發春塘水亂流使君憐小阮應念倚門愁

送常司直西行見二百二十八卷

前人

送常集作表負外宣慰對農却赴洪州使院見九

卷十七

前人

送張勸集作觀歸袁州

前人

羨爾湘東去煙花尚可親綠芳深映馬遠岫遞迎人飢
猶啼初日殘鷺惜暮春遙憐謝典客一作佳句又應新

送王正字山寺讀書

前人

欲究先儒教還過支遁居山塔閑聽法竹逕獨看書何日
荷新卷迎秋柳半踈風流有佳句又集作似帶煙鋤

送房明府罷長寧令湖州客舍

前人

君為萬里宰息及五湖人未滿先求退歸閑不厭貧遠峯

晴更近殘柳雨還新要自趨丹陛明年雞樹親

送嚴二擢第東歸

前人

隳官就賓薦時輩詎爭先盛業推儒行高科獨少年迎秋
見衰葉餘照逐鳴蟬舊里三峯下開門古縣一作前

送冷朝陽及第歸江寧

前人

高第由佳句諸生似者稀長安帶酒別建業候潮歸稚子
歡迎棹隣人為掃扉含情過舊浦鷗鳥亦依依

晚春送吉校書歸楚州曾為道士

前人

詩人饒楚思淮上及春歸舊浦菱花發集作待閉門柳絮飛
高名鄉曲重少事道流稀定向漁家醉殘陽卧釣磯

送李中丞楊判官

前人

射策名先著論兵氣自雄能全季布諾不道魯連功流水
蒹葭外諸山睥睨中別君秋日晚迴首夕陽空

送嚴維歸越州

前人

艱難只用武歸向淞江

集作河

東松雪千山暮林泉一水通

鄉心緣綠草野思看青楓

集作好日

偏相憶裁書寄剡中

送常邕少府入鍾山

見二百三十一卷

前人

司勳王郎中宅送韋九郎中往濠州

前人

憐爾因同舍看書似外家出關逢落葉傍水見寒花送遠

添秋思將衰戀

集念

作歲華清淮倍相憶迴日莫令餘

送王端赴朝

前人

君承明主意日日上丹墀東閣論兵後南宮草奏期人稀

傍河處槐暗入關時獨遣吳州客平陵結夢思

前人

送杜待御還廣凌

慙君從弱歲

一作冠

顧我比諸昆同事元戎久俱承國士恩

隨鷺過淮水看柳向轅門草色金陵片思心那可論

送上官侍御赴黔中

前人

莫向黔中路令人到欲迷水聲巫峽裏山色夜郎西樹隔

朝雲合猿窺曉日

集作月

啼南方饒翠羽知爾飲清溪

潤州楊別駕宅送蔣侍御收兵歸揚州

前人

沴氣清金虎兵威壯鐵冠楊旌川色暝

一作暗

吹角水風寒

人對輜輶醉花看

集作垂

睥睨殘羨歸丞相府

集作閣一作空

望舊

門闌

此詩二百三十五卷重出今已削去詳注在前

送元侍御還荆南幕府

前人

迢遞荊州路山多水又分霜林澹寒日胡鴈蔽南雲八座

由持節三湘置亦軍自當行直指應不為功勳

送宋

集作采

中舍遊江東

前人

孤城郭外送王孫越水吳洲共爾論野寺山邊斜有逕漁

家竹裏半開門青楓獨映搖前浦白鷺閑飛過遠村若到

西陵征戰處不看秋草自傷一作魂

送司空十四北遊宋州

張南史

九拒危城下蕭條送爾歸寒風吹畫角暮雪犯征衣道理猶成間親朋重與違白雲愁欲斷看入大梁飛

送朱大遊塞

前人

歲暮一為別江湖聊自寬且無人事處誰謂客行難郢曲憐公子吳州憶伯鸞蒼蒼遠山際松柏獨宜寒

送鄭錄事赴太原

前人

歎息不相見紅顏今白頭重為西候別方起北風愁六月胡天冷雙城汾水流盧諶即故吏還復向并州

送余贊善使還赴薛尚書幕

前人

音書不可論河塞雪紛紛鴈足期蘇武孤裘見薛君城池通紫陌鞍馬入黃雲遠棹一作漳渠水平流幾處分

送李侍御入茅山採藥

前人

苦縣家風在茅山道錄傳聊停驄馬使却就紫陽仙江海生岐路雲霞入洞天莫令千歲鶴飛到草堂前

送王相公赴范陽

錢起

翊聖銜恩重頻年按節行安危皆報國文武不緣名受脤仍調鼎為霖更洗兵幕開丞相閣旗惣貳師營料敵知無戰安邊自有征代雲橫馬首燕鴈拂笳聲出鎮關河靜歸看日月明欲知瞻恋集作切遲幕一書生以下七篇並見集本

送劉相公江淮集作東催轉運事此詩擅場前人

國用資戎事臣勞為主憂將徵任土貢更發濟川舟擁傳星還去過池鳳不留唯高飲水節稍淺別家愁落葉淮邊雨孤山海上秋遙知謝公興微月在江樓

送郎使君集作補闕東歸

前人

無事共干世多時廢隱淪相看戀簪組不覺老風塵勸酒
憐今別傷心倍去春徒言對集作萱草何處慰離人

送彈琴李長史赴洪州

前人

携集作琴為傲吏孤棹復南行幾度秋江水皆添白雪聲
佳期來客夢幽興緩王程佐牧無勞問心和政自平

送沈少府還江寧

前人

遠官碧雲外此行嘉興牽湖山入閣井鷗鳥傍神仙斜日
皆鄉樹春潮迎客船江樓新興一作發應與政聲傳

送楊著作往集作東海

前人

楊柳出關色東行千里期酒酣暫輕別路遠始相思欲識
離心盡斜陽一作到海時

送張管記從軍

前人

邊事多勞役儒衣逐彭蠡日寒關樹外峯盡塞雲西河廣

蓬難度天遙鴈漸低班超封定遠之子去思齊

送嚴士良侍奉詹事南遊

前人

踈傳獨知止曾參善愛親江山侍行邁長幼出囂一作塵
握手想千古此心能幾人風光滿長路草色傍征輪日夕

望荆楚鷺鳴芳杜春汀烟日集作漁下淺花島集作水中

新點翰時集作相憶含情寄集作白蘋

送王員外赴長沙

賈至

携手登臨處巴陵天一隅春生雲夢澤水溢洞庭湖共歎
虞翻枉同悲阮籍途長沙舊卑濕今古不應殊以下六篇

送夏侯參軍赴廣州

前人

聞道衡陽外由來鴈不飛送君從此處書信定應稀雲海
南溟遠烟波北渚微勉哉孫楚吏絲服正光輝

長沙別李六侍御

前人

月明湘水白霜落洞庭乾放逐長沙外相逢路正難雲歸
帝鄉遠鴈報朔方寒此別盈襟淚雍門不假彈

送陸協律端州

前人

越井人難去相川水北流江邊數盃酒海外一孤舟嶺嶠
同還客京華即舊遊春心將別恨萬里共悠悠

送李侍御

前人

我年四十餘已歎前路短羈離洞庭上安得不引滿李侯
忘情者與我同踈懶孤帆泣瀟湘望遠心欲斷

送耿副使歸長沙

前人

畫舸欲南歸江亭且留宴日暮湖上雲蕭蕭若流霞昨夜相
知者明發不可見惆悵西北風高帆爲誰扇

送薛補闕入朝

鮑防

平原門下十餘人獨受恩多未殺身每歎陸家兄弟少更

憐揚氏子孫貧柴門豈斷施行馬魯酒那堪醉近臣賴有
軍中一作遺令在猶將談笑靜風塵

文苑英華卷第二百七十一

登仕郎胡

柯

鄉貢進士彭

叔夏

校正

文苑英華卷第二百七十二

詩一百二十二

送行七

皇甫曾四首

張繼五首

韓翎十五首

郎士元十七首

皇甫冉十三首

韋應物八首

送杜中丞還京

皇甫曾

罷戰迴龍節朝天見鳳池寒生五湖道春及萬年枝召化
多遺愛胡清已畏知懷恩偏間氣集感別隨淚向旌麾以上五篇
竟集

送李中丞歸本道

前人

上將宜分閫

一作還

雙旌復去秦關河三晉路賓從五原

人碣石山通海漈池

集作

雪度春

二句一作

孤戍

雲

酬恩

看玉劍何處有煙塵

(此詩二百九十七卷重出今已削去注異同為一作)

送元侍御克使湖南

前人

雲夢南行盡三湘萬里流山川重分首徒御亦悲秋白簡
勞王事清猿助客愁離羣復多病歲晚憶滄洲

送韓司直

前人

遊吳還適越來往任風波復送王孫去其如芳草何岸明
殘雪在潮滿夕陽多季子留遺廟停舟試一過

送鄒判官往陳留

張繼

齊宋傷心地一作分地頻年此用兵女停襄邑杼農廢汶陽

耕國使一作使者乘輅去諸侯一作藩擁節迎深仁荷一作佐君

子薄賦恤黎毗火燎原猶熱波一作風搖海未平應將否泰

理一問魯諸生

一作皆中興間氣集

送竇十九判官使江南

前人

遊官淹星紀裁詩鍊土風今看乘傳去那與問津同南郡

迎一作過徐子臨川謁謝公思歸一惆悵干越古亭中

江上送客遊廬山

前人

楚客自相送霑裳春水邊晚來風信好併發上江船花映
新林岸雲開瀑布泉恆心應在此佳句向誰傳

奉送王相公赴幽州

前人一作韓翃

黃閣開帷幄丹墀拜一作侍冕旒位高湯左相權物漢諸侯
不改周南化仍分趙北憂雙旌過易水千騎入幽州塞草
連天暮邊風動地秋無因隨一作陪遠道結束佩吳鉤

一作皆中興間氣集

送張中丞歸使幕

前人

獨受主恩歸當朝似者稀玉壺分御酒金殿賜春衣拂席
流鶯醉鳴鞭駿馬肥滿臺簪白筆捧手戀清輝

送李侍御赴徐州行宮

韓翃

少年兼柱史東至舊徐州遠屬平津閣前驅博望侯向營
淮月滿吹角楚天秋客夢依依處雲集作寒山對白樓

送崔遇歸淄青幕府

前人

平陵車馬客海上見旌旗舊驛千山下殘花一路時春衣
過水冷暮雨出關遲莫道青州客迢迢在夢思

送監軍李判官

前人

上客佩吳集作雙鉤東城喜再遊舊從張博望新事鄭長秋

蹋水過集作回金勒邊一作看風試錦裘知君不久住漢將掃

旄頭

送元詵還江東

一作送太常元
傅士歸潤州

前人

過一作渡江秋色在詩興與歸心客路隨一作綠楓岸家人掃

橘林潮聲當晝起山翠近南深集作沉幾日華陽洞寒花引

獨一作自回一作皆中興間氣集

送郭贊府歸淮南

前人

駿馬淮南客歸時引望新江聲六合暮楚色萬家春白紵
歌西曲黃苞寄北人不知心賞後早晚見行塵

送孫秀才歸江東

前人

過淮芳草歇千里又東歸野水吳山出家林越鳥飛荷香
隨去棹梅雨點行衣無數滄江客如君達者稀

送故人歸魯

故人舍
又玄集作
居人愴見

前人

魯客多歸興故人舍別情兩餘衫袖冷風急馬蹄輕秋草
靈光殿寒雲曲阜城知君拜親後少婦下機迎

此詩二百八十四卷重出今已削去

送李中丞赴高州

前人

五馬渭橋東連嘶皆曉風當年紫驄將他日黑頭公不異
金吾寵兼齊玉帳雄開營春雪下吹角暮山空香麝松陰

裏寒猿黛色中郎齊多賞事好與故人同

送管城李少府

前人

懷祿兼就養更憐趨府心晴山東里近春水北門深新綬
映芳草舊家看遠林還乘鄭小駟躑躅縣城陰

送客還江東

前人

還家不落春風後數日應沾越人酒池畔花深鬪鴨攔橋
邊雨洗藏鷓柳遙憐內舍着新衣復喜隣家醉落暉把手
閑歌香橘下空山一望鷓鴣飛

送冷朝陽還上元

前人

青絲紉音昨也引木蘭舡名遂身歸拜慶年落日澄江烏榜
外秋風踈柳白門前橋通小市家林近山帶平湖野寺連
別後依寒夢裏共君携手在東田

送高別駕歸汴州

前人

信陵門下識君偏駿馬輕裘正少年春雨送歸千里外東
風留醉百花前身隨玉帳心應愜官佐銅符勢又金火客
未知何計是參差去借汶陽田

送王光輔歸青州兼寄朱侍御

前人

幾通集作回奏事建章宮聖主偏知漢將功身看賜衣趨闕
下口御天詔出關東蟬聲驛路秋山裏草色河橋落照中
遠憶故人滄海別當年好擢五花驄

送康洗馬歸滑州

前人

腰佩雕弓漢射聲東歸銜命見雙旌青絲玉勒康侯馬孟
集作白水金堤滑伯城鵬雪夜看宜縱飲寒蕪晝獵不妨行
懷君又隔千山外別後春風百草生

送客之江寧

見三百四十一卷

前人

送裴補闕入河南

集作東幕

郎士元

皎然青瑣客何事動行軒苦節訓知己清吟去掖垣秋城
臨海樹寒月一作上營門鄒魯詩書地應無鞞鼓喧

送彭偃房由赴朝因寄錢大郎中李十七舍
人

衰病已經年西峯望楚天風光欺鬢髮秋色換山川寂寞
浮雲外支離漢水邊平生故人遠君去話潸然

送奚賈歸吳
前人

東南富春渚曾是謝公遊今日奚生去新安江正秋問氣集作流

水容清過客霜楓集作葉伴行舟想對蘭集作逢亭想青

下聞猿應夜愁

送長沙韋明府之任
前人

秋入長沙縣蕭條旅官心烟波連桂水官舍映楓林雲日

楚天集作山暮沙汀白露深遙知訟庭集作裏佳政在鳴琴

送洪州李別駕之官
前人

南去秋江遠孤舟與自多能將流水引更入洞庭波夏口
帆初上潯陽鴈正過知音在霄漢佐郡豈蹉跎

送孫顧
前人

悠然富春客憶與暮集作落潮歸擢第人多羨如君獨步稀
亂流江渡淺遠色海山微若訪新安路巖陵有釣磯

送張南史已見二百五十三卷
前人

送李遂之越
前人

未習風波事初為東越遊露霑湖草晚月照海山秋梅市
門何處蘭亭水上流西興一作陵待潮信落日滿孤舟

送鄭正則徐州行營
前人

從君疑非隴頭師在古徐州氣勁三河卒功全萬戶侯元戎
闔外略才子幄中籌莫聽関山曲還生塞上愁

送常湛判官

前人 見詩選

高閣晴江上重陽古戍閑聊因送歸客更此望鄉關惜別
心能醉經秋鬢自班臨流興不盡惆悵水雲間

送錢拾遺歸兼寄劉校書

前人

墟落歲陰暮桑榆烟景昏蟬聲靜空館雨色隔秋原歸客
不可望悠然林外一作藍上材終當報芸閣携手醉柴門

送郴縣裴明府之任兼充宣慰

前人

白蘋楚水三湘遠芳草秦城二月初連鴈北飛看欲盡孤
舟南去意何如渡江野老思求瘼候館郴人憶下車別後
天涯何所寄故交唯有袖中書

送李敖湖南書記

前人

憐君才與阮家同掌記能資亞相雄入楚豈忘看淚竹泊
舟應自愛江楓誠知客夢煙波裏肯厭猿鳴夜雨中莫信

衡湘書不到年年秋鴈過巴東

送麴司直

前人

曙雪蒼蒼兼曙雲朔風煙鴈不堪聞貧交此別無他贈唯有
青山遠送君

送別

前人

穆陵關上秋雲起安陸城邊遠行子薄暮寒蟬三兩聲迴
頭故鄉千萬里

送陸員外赴漳州

前人

含香臺上栢集作客剖竹海邊州驛使集作楚驛多歸信闕溪足
亂流今朝永嘉路重見謝公遊

關羽祠送高員外還荆南

集作州

前人

將軍稟天資義勇貫一作冠今昔走馬百戰場一劔萬人敵
雖為感恩義集作者竟集作是思歸客流落荆巫一作巫峽間徘徊

迴故鄉隔離筵對祠宇灑酒暮天碧去去勿復言銜悲向

陳集作跡

送王相公之集作幽州

皇甫冉

自昔蕭曹任難兼衛霍功勤勞無遠近旌節屢西東不選

三河卒還令萬里通鴈行綠古塞馬鬣起長風集作御閣

車出遮虜關山靜防秋鼓角雄徒思一攀送羸老集作華

門中以下五篇又見中興間氣集

獨孤中丞宅筵陪錢常使君赴昇州

前人

中司龍節責上客虎符新地控吳襟帶才光間氣集漢摺紳

泛舟應度臘入境便行春何間氣集處歌來暮長江建業人

送李錄事一作裴赴饒州

前人

北人南去雪紛紛鴈叫汀洲集作不可聞積水長天隨遠

客孤舟一作荒林極浦足寒雲山從建業千峯遠一作江到集作

潯陽九派分借問督郵纔弱冠府中年少不如君

送裴負外往江南一作

前人

分務江南遠留歡幕下榮楓林間氣集作楚塞水驛到溢

城岸草知春晚沙禽好夜驚風帆幾日到間氣集處處暮潮平

送元晟還於潛山所居已見二百三十一卷

前人

送竇十九赴京

前人

冰結楊柳津從吳去入秦徒六還上國誰為作中人驛樹

宿巖維宅送包七

前人

江湖同避地分手自依依盡室今為客經秋空念歸歲儲

無別墅寒服羨隣機草色村橋晚蟬聲江樹稀夜涼宜共

醉時難惜相違何事隨陽侶汀洲忽背飛

前人

歸陽羨兼送劉八長卿

湖上孤帆別江南謫官歸前程愁更遠臨水淚霑衣雲夢
春山遍瀟湘過客稀武陵招我隱歲晚向柴扉

送常判官赴閩中

前人

孤棹閩中客雙津海上軍路人從北少嶺水向南分野鶴
驚一作陽秋別林猿忌夜聞漢家崇亞相知汝遠邀勳

送權驛

前人

淮海風濤超江關憂思長同悲鵲逸樹猶作鴈隨陽山曉
雲和雪汀寒月照霜未由濯纓處漁父愛滄浪

送顧長史二字詩選作長往新安

前人

西塞雲山遠東風道路長人心勝潮水相送過潯陽

送王司直

前人

由來山水客復道向新安半是乘潮便全非行路難晨裝
林一作秋月在夜飲渚沙寒詩選作野嚴子千年後誰作何人釣舊灘

送錢塘路少府赴制舉

前人

公車待詔詣一作赴長安客裏新正阻舊歡逢日未能銷野雪
晴花偏自犯江寒東溟道路通秦塞北闕威儀覩漢官時

一作共許郊詵能對一作躬策恩榮請向一枝看一作皆詩選

送崔叔清遊越

常應物

忘茲適越意愛我郡齋幽野情豈好謁詩興一相留楚集作遠
水帶寒樹閭門望去舟方伯憐文士無為成滯遊以下八篇並見集本

送崔肅懿

前人

秋風集作氣入踈戶離人起晨朝山郡多風雨西樓更蕭滌
嗟余淮海老送子關河遙同來不同去沉憂寧復銷

重送丘二十二還臨平山居

前人

歲中欣集作始再覲方來又解携纔留野艇語已憶故山棲幽
澗人夜汲深林鳥長啼還持郡齋酒慰子霜露溪

送豆盧策秀才

前人

歲交冰未泮地卑海氣昏子有京師遊始發吳閭門新黃
舍遠林微綠生陳根詩人感時節行道當憂煩古來獲落
者俱不事田園文如金石韻豈乏知音言方辭郡齋榻為
酌離亭樽無為倦羈旅一去高飛翻

送雷監赴闕庭

前人

才大無不備出入為時須雄藩旌理行祕府擢文儒詔書
忽已至焉得久踟躕方舟赴朝謁觀者盈路衢廣筵列衆
賓送爵無停迂攀餞誠愴恨賀榮且歡娛長陪栢梁宴日
向丹墀趨時方重右職蹉跎獨海隅

送李侍御益赴幽州幕

前人

二十揮篇翰三十窮典墳辟書五府至名為四海聞始從
車騎幕今赴嫖姚軍契闊晚相遇卒蹶集作草戚遠離羣悠悠

行子遠眇眇川途分登高望燕代日夕生夏雲司徒擁精
甲誓將除國氛儒生幸持斧可以佐功勳無言羽書急坐
闕相思文

餞雍聿之潞州謁李中丞

前人

鬱鬱兩相遇出門草青青酒酣拔劍舞慷慨送子一作行驅
馬涉大河日暮懷洛京前登太行路志士亦未平薄遊五
府都高步振英聲主人才且賢重士百金輕絲竹促飛觴
夜宴達晨星娛樂易淹暮諒在執高情

送丘員外丹還山

前

長棲白雲表暫訪高齋宿還辭郡邑喧歸泛松江綠結茅
隱一作蒼嶺伐薪響深谷同是山中人不知往來躅靈芝
非庭草遼鶴委池鶩終當署里門一表高陽族

文苑英華卷第二百七十二

登仕郎胡柯

鄉貢進士彭叔夏

校正

文苑英華卷第二百七十三

詩一百二十三

送行八

嚴維五首

盧綸二十三首

戴叔倫十三首

張萬頃一首

魏兼恕一首

周瑀一首

權德輿十一首

戎昱五首

送薛尚書入朝

嚴維

卑情不敢論拜首

一作手

立轅門列郡諸侯長登朝八座尊

凝笳臨水發行旆向風翻幾許遺黎泣同懷父母恩

送李祕書往儋州

前人

魑魅曾為伍蓬萊近拜郎臣心瞻北闕家事在南荒莎草
山城小毛洲海驛長玄成知必大寧是泛滄浪

送人入金華

前人

明月雙溪水清

一作春

風八詠樓昔

詩選

年為客處今日送君遊

送崔峒使往睦州寄薛司戶

前人

如今相府用

一作重

英髦獨往南州肯告勞冰水近聞漁浦

出雪雲初卷定山高木奴花發

一作映

桐廬縣青雀舟隨白

鷺濤使者應須訪廉吏府中唯有范功曹

送房元直赴北京

前人

猶道樓蘭十萬師書生正馬去何之臨歧未斷還家日望

月空吟出塞詩常欲激昂論上策不應憔悴老明時遙知

到日逢寒食彩筆長裾會晉祠

送鮑中丞赴太原

盧論

見詩選

分路引鳴騶喧喧似隴頭暫移西掖望全解北門憂專幕

臨都護親

一作分

曹制督郵積水營不下盛雪獵方休白草

連胡帳黃雲擁戍樓今朝送旌旆一減魯儒羞

送夔州班使君

前人

曉日照樓船三軍拜峽前白雲隨浪散青壁與城連萬嶺

岷峨雪千家橘柚川還如赴河內天子許經年

送信州姚使君

前人

朱轡徐轉擁羣官猿鳥無聲郡宇寬楚國上腹收賦重漢

家良牧得人難銅鉛滿穴山能富鴻鴈連羣地亦寒幾日

政聲開

集作

外戶九江行旅得相歡

以下四篇並見集本

送郎士元使君赴郢州

前人

賜衣兼授節行日郢中聞花發登山廟天晴

集作清

闕水軍

漁商三楚接郡邑九江分高興應難遂元戎有大勳

送陝府王司法

前人

東門雪復

一作覆

塵出送陝城人粉郭朝喧市朱橋夜掩津

上寮應重學小吏已甘貧謝眺曾為掾希君一比隣

送萬巨 六言

前人

把酒留君聽琴難堪歲暮離心霜葉無風自落秋雲不雨
空陰人愁荒落村集作路遠細集作馬怯寒溪水深望斷盡集作
青山獨立更知何處相尋

送李校書赴京川幕

前人

泥坂望青城浮雲與棧平字形知國號眉勢識山名編簡
塵封閣戈鋌雪照營男兒須聘用莫信筆堪耕

送王錄事赴任蘇州

前人

古堤迎拜路萬室一帆前潮作澆田雨雲成煮海烟吏閑
唯重法俗泰不憂邊西掖今宵詠還應寄阿連

送菊潭王明府

前人

組綬揜衰顏輝光里閑集作閭晚涼一作涼宵經灞水清晝入
商山行境逢花發彈琴見鶴還唯應理農後鄉老賀君閑

送宛丘任少府

前人

帶綬別鄉親東為千里人俗訛唯競祭地古不留春野戍
雲藏火軍城樹擁塵少年何所重才子又清貧

送顏推官遊銀夏謁韓大夫

前人

叢盃叫寒笛滿眼一作銀滿塞山青才子鑄前畫將軍石上銘
獵聲雲外響戰血雨中腥苦樂從來事因君一涕零

送朝邑縣張少府

少府善琴

前人

千室暮山西浮烟與樹齊剖辭花落紙擁吏雪成泥野火
蘆千頃河田水萬畦不知琴月夜誰得聽烏啼

送宋校書赴宣州幕

前人

南想宣城郡江清野戍閑矇矓高映浦睥睨曲隨山名寄
圖書內威生將吏間行春板橋幕應伴庾公還

送元昱尉義興

前人

欲成雲海別一夜夢天涯白浪綠江雨青山繞縣花風橋
當劇部冠帶稱儒家去矣謝親愛知余髮已華

送水陽崔明府

前人 見集本

鶴唳蒹葭曉

一作岸

中流見楚城浪清風乍息山白日猶明

廢路開荒木歸人種古營懸聞正訛俗邴曼最知名

送李端

路出

又玄集

相問

又玄集

作路入

作相見

前人

故園衰草遍離別自

一作正

堪悲路出寒雲外人歸暮雪時少

孤為客早多難識君遲掩泣空相問風塵何所

一作處

送寧國夏侯丞

前人

楚國青蕪上秋雲似白波五湖長路少九派斷山多謝守

通詩宴陶公許醉過憮然錢離阻年鬢兩蹉跎

送袁稱

前人

諫獵名空久多因病與貧買書行幾市帶雪別何人客路

山連水軍州日映塵淒涼一分首俱恨老相親

送何召下第後歸蜀

前人

褒斜行客過棧道嚮危空路濕雲初上山暄日正中水程

通海貨地利雜吳風一別金門遠何人復薦雄

送崔琦赴宣州幕

前人 見詩選

五馬臨流待幕賓羨君談笑出風塵身閑就養寧辭遠世

難移家莫厭貧天際曉山三峽路津頭臘市九江人何處

遙知最惆悵滿湖青草鴈聲春

送楊皞東歸

前人

登樓掩泣話歸期楚樹荆雲發遠思日裏揚帆聞戍鼓舟

中酌酒見山祠西江風浪何時盡北客音書欲寄誰若說

溢城魯司馬知君望國有新詩

送史兵曹判官赴樓煩

前人 見集本

渥洼龍種散雲時千里繁花乍合離中有重臣承霈澤外
無輕虜犯旌旗山川自與郊垌合帳幕時因水草移敢謝
親賢得瓊玉仲宣能賦亦能詩

送吉中孚校書歸楚州舊山中孚自仙官入仕前人

青袍芸閣郎談笑揖侯王舊錄藏雲穴新詩滿帝鄉名高
閑不得到處人爭識誰知冰雪顏已雜風塵色此去復如何
東臯岐路多藉芳臨紫陌回首憶一作望滄波年來倦蕭索
但說淮南樂並檝湖上遊連檣月中泊沿流音溜入閭門千
燈夜市喧喜逢隣舍伴遙語問鄉園下淮風自急樹抄分
郊邑送客隨岸行離人出帆立漁村逸水田澹澹隔晴烟
欲就林中醉先期石上眠林昏天未曙但向雲邊去暗入無
路山心知有花處登高日轉明下望見春城洞裏草空長
塚邊人自耕寥寥行異境過盡千峯影雲色凝古壇泉

聲落寒井仙成不可期多別自堪悲為問桃源客何人見
亂時

京口送皇甫司馬副端曾舒州辭滿歸東都戴叔倫

潮水忽復過雲帆儼欲詩選飛故園雙闕下左官十年歸晚
景照華髮涼風吹繡詩選衣淹留更一醉老去莫相違

以下十三篇並見集本

送李審之桂州謁中丞叔前人

知音不可遇才子向天涯遠水下山急孤舟上路賒亂雲
收暮雨雜樹落疎秋集花到日應文會風流勝阮家

送王翁信及第後歸江東舊隱前人又見方

南行無俗侶秋鴈與寒集作雲野趣自多本集作心自方
愜名香日惣聞本集作名香人共聞吳山路斷浙水半江

分此地登臨慣含情一送君

送李明府之任

前人

身為百里長家寵五諸侯含笑聽猿狖搖鞭望斗牛梅花
堪比雪芳草不知秋別後南風起相思夢嶺頭

送郭太祝中孚歸江東

前人又見方

鄉人去欲盡北鴈又南飛京洛風塵久江湖集作音信稀
舊山知獨往一醉莫相違未得辭羈旅無勞問是非

送車參軍江陵一作送常參軍

前人一作釋清江

槐花落盡柳陰清蕭索涼天楚客情海上舊山無的信東
門一作東歸路不堪行身隨幻境勞一作無多事跡學禪心厭

有名公子道存知不棄欲依劉表住南荆

此詩二百七十四卷重出今已削去注異同為一作

清明日送友集作還鄉

前人又見方

鍾鼓喧離日集作車徒促夜裝曉厨新變集作火輕柳暗

翻集作霜傳鏡看華髮持方集盃話故鄉每嫌

兒女淚今日自霑裳

送謝夷甫宰餘姚縣

前人

君去方為宰干一作山戈尚未銷邑中殘老少亂後少官寮
廨宇經兵一作火公田沒海潮到時應一作變俗新政

滿餘姚一作皆中興間氣集

送柳道時余北還

前人

征役各異路詩選作行烟波同旅愁輕橈上桂水大扁下揚
州何處成後會今朝分舊遊離心比楊柳蕭颯不勝秋

送萬戶曹之任揚州便歸舊隱

前人

擬歸雲壑去聊寄官名中俸祿資生事文章實集作詩國
風聽潮回集作楚浪看月照隋宮儻有登樓望集作還應

伴庾公

送李長史縱之任常州

前人

不與名利隔且為江漢遊吳山本佳麗謝客舊淹留狹道集作路

南賓送蔡侍御遊蜀

前人

巴江秋欲盡遠別更淒然月照高唐一作峽人隨買客船積

雲巖集作嶮路流水促集作送行年不料相逢日空悲罇酒前

送崔拾遺峒江淮集作東訪圖書

前人又見方于集

九門思集作九重辭諫諍萬里採風謠關外逢秋月天涯過晚潮

鴈來集作飛雲杳杳木落浦蕭蕭空怨他鄉別迴舟暮

寂寥

送裴少府

張萬頃

夕膳望東周晨裝不少留酒中同樂事關外起離憂座濕
泰山雨庭寒渭水秋何當鴈隼擊來拂故林遊

送張兵曹赴營田

魏兼恕

河曲今無戰王師每務農選才當重委足食乃深功草色

孤城外雲陰絕漢疑作中蕭關休一作雖歎別歸望在乘驄

送潘三入京

周瑀

故人嗟此別相送出烟垌柳色分官路荷香入水亭離歌
未盡曲酌酒共忘形把手河橋上孤山日暮青

送裴秀才貢一作舉

權德輿

儒衣風貌清去抵漢公卿賓貢年猶少篇章藝已成臨流
惜暮景話別起鄉情離酌不辭醉西江春草生

(以下十一篇並見集本)

送謝孝廉移家越州

前人

家承晉太傅身慕魯諸生又見一帆去共愁千里程沙平煙集作古
樹迴潮滿曉江晴從此幽深去無妨隱姓名

送鄭秀才貢舉

前人

西笑意如何方知集作隨貢士舉集作科吟詩向月露驅馬出
烟蘿晚色寒平集作蕪遠秋聲候鴈多自憐歸未得相送一
勞歌

送張周二秀才謁宣州薛侍郎

前人

儒衣兩少年春棹穀溪船湖月供詩興烟嵐費酒錢上帆
投極浦歌枕傲晴天不用愁羈旅宣城太守賢

送李城門罷官歸嵩陽

城門院在遺補院東

前人

與君相識處吏隱在牆東啓閉千門靜逢迎兩掖通罷官
多暇日疑業有儒風歸去塵寰外春山蘭桂襲

送上虞丞

前人

越部郡集作佳山水清菁集作江接上虞計程航一葦試吏佐
雙鳧雲壑歸窺集作仙籍風謠驗地圖因尋黃絹字為我弟

曹盱

送孔江州

前人

九派潯陽郡分明似畫圖秋光連瀑布晴翠辨香鑪才子
厭蘭省邦君榮竹符江城多暇日能寄八行無

送商州杜中丞赴任

前人

安康地理接商於帝命專城惣賦輿夕拜忽辭青瑣闥晨
裝獨捧紫泥書深山古驛分騶騎芳草閑雲逐隼旗綺皓
清風千古在因君一為謝巖居

送韋行軍負外赴河陽

前人

五年武弁侍明光輟佐中權拜外郎記事還同楚倚相傳
經遠自漢扶陽離堂處處羅簪組東望河橋壯鞞鼓三城
曉角啓轅門一縣繁花照蓮府上略儒風並者稀翻翻集
翻作騶騎有光輝只今古職多虛位應待他時仗節

集作
伏奏歸

送崔諭德致仕東歸

前人

天子座法宮詔書下江東懿此嘉遊士蒲車起丘中褐衣
入承明朴略多古風直道侍太子昌言沃宸聰巖居四十年
心與鷗鳥同一朝受恩澤自說如池籠乞骸歸故山累疏
明深衷大君不奪志命錫忽以崇旭旦出東集作門輕裝
若秋蓬家依白雲嶠手植丹桂藂竹齋引寒泉霞月相玲
瓏曠然解赤敞集作去逐冥冥鴻

送信安劉少府

自常州參
軍選授

前人

相看結離念盡此杯中醪夷代輕遠遊上才隨薄祿參卿
滯孫楚隱市同梅福吏散時泛絃賓來閑覆局襟情無俗
慮談笑成逸躅此路足灘聲羨君多水宿

送新州鄭使君

戎昱

誰人不譴謫君去獨堪傷長子家無弟慈親老在堂驚魂
隨驛吏冒暑向炎方未到猿啼處參差已斷腸

送張秀才之長州

前人

君向長沙去長沙僕舊諳雖云桂嶺北終是洞庭南山靄
生朝雨江烟作夕嵐松醪能醉客慎勿滯湘潭

送嚴十五之長安

前人

送客身為客思家愴到家暫收雙眼淚遙想五陵花路遠
征車迴山迴劔閣斜長安君到日春色未應賒

成都送嚴十五之江東

前人

江都萬里外別後幾悽悽峽路花應發津亭柳正齊酒傾
遲日暮川闊遠天低心繫征帆上隨君到剡溪

送李參軍

前人

好住好住王司戶珍重珍重李參軍一東一西如別鶴一南

一北似浮雲月照疎林千片影風吹寒水萬重紋別易會
難今古事非是余今獨與君

文苑英華卷第二百七十三

登仕郎胡柯

鄉貢進士彭叔夏校正

文苑英華卷第二百七十四

詩一百二十四

送行九

崔峒十七首

吉萬一首

朱彎一首

朱放二首

苗發二首

于良史二首

林珣一首

劉復一首

陳存一首

鄭巖一首

徐嶷一首

于鵠三首

李遠一首

李涉一首

李季蘭一首

釋清江一首

釋靈一五首

釋法震五首

釋皎然十五首

秋晚送丹徒許明府赴上國因寄江南故人崔峒

秋暮之彭澤籬花遠近逢君書前日至別後山時重寒夜
江邊月晴天海上峯還知南地客招引住新豐

送薛仲方歸揚州

前人

佳句應無敵貞心不有猜一作暫回慙為丈人行怯見後生才
泛舸貪斜月浮橈值早梅綠楊新過雨芳草待君來

送韋員外還京

前人

十年離亂後此去若為情春晚香山綠人稀遇一作穎水清
野陂看獨樹閑路逐殘鷺前殿朝明主應憐白髮生

潤州送友人

前人

見君還此地灑淚向江邊國士勞相問家書無處傳荒城
胡一作開馬跡塞木戍人烟一路堪愁思孤舟渺然

送張芬東

前人

喧喧五衢上鞍馬日驅馳落日臨阡陌貧交欲別離早知

時事異豈與世人隨握手將何贈君心我獨知

送蘇脩遊上饒

前人

愛爾無羈束雲山恣意過一身隨遠岫孤棹任輕波世事
閑情少漁家寄宿多蘆花泊船處江月柰人何

送陸明甫之盱眙

前人

陶令之官去窮愁慘別魂白烟洪海戍紅葉下淮村澹浪
搖山郭平蕪到縣門政成堪吏隱免就府公恩

江南迴逢趙耀因送任十一赴交城主簿

前人

江上長相憶因高北望看不知携老幼何處度艱難屈指同
人盡傷心故里殘遙憐驅足馬白首致微官

送薛良史往越州謁從叔

前人

辭家年一作日已久與子分偏一作仍深易得相思一作思鄉淚難
為欲別心孤雲隨浦口幾日到山陰遙想蘭亭下清風滿

（一作皆中興間氣集）

送丘二十二之歸一作蘇州

前人

積水與寒烟嘉禾路幾千孤猿啼海島群鴈起湖田曾寄

一作長沙什常 一作普 聞大雅篇却將封事去知爾受一作意

關眠（一作皆中興間氣集）

贈元祕書

前人

舊書稍稍出風塵孤客逢秋感此身秦地謬為門下客淮
陰徒笑市中人也聞阮籍尋常醉見說陳平不久貧幸有
故人茅屋在更將心事問情親

送常八少府判官歸東京

前人

玄成世業紫真官文似相如貌勝潘鴻鴈南飛人獨去雲
山一別歲將闌清淮水急桑林晚古驛霜多柿葉寒瓊樹
相思何日見銀鈞數字莫為難

送馮八將軍奏事畢歸滑臺幕府

前人

王門別後到滄洲帝里相逢俱白頭自歎馬卿常帶疾還
嗟李廣不封侯棠梨宮裏瞻龍衮細柳營中着虎裘想到
滑臺桑葉落黃河東注杏園秋

送王侍御佐婺州

一作蓋少府新除江南尉問風俗

前人

一作即土元

不須惆悵一作閩向江潭吳越風煙到自諳客路尋常經竹

迳一作隨人家大抵傍山嵐綠溪花木偏宜遠避地衣冠

盡在一作南唯有夜猿啼海樹思鄉望北一作國意難堪一作皆詩選

越中送王使君赴江華

前人

卓蓋春風自越溪獨尋芳草桂陽西遠水浮雲隨馬去空
弱篠向雲低遙知異政荆門北舊許新詩康樂齊萬里相
思在何處九疑殘雪白猿啼

送皇甫冉往白田

前人

江邊盡日雉鳴飛，君向白田何日歸。
楚地蕪葭連海迥，隋朝楊柳映堤稀。
津樓故市無行客，山館空庭閉落暉。
試問疲人與征戰，使君雙淚定沾衣。

送賀蘭廣赴選

前人

而今用武爾攻文，流輩干時獨卧雲。
白髮青袍趨會府，定應衡鏡却慙君。

送阮芳謁李觀察求任

此君曾浪跡長安以詩讓之

吉萬

往日長安路，歡遊不惜年。
為貪盧女曲，用盡阮郎錢。
身老方投刺，途窮始着鞭。
猶聞有知己，此去不徒然。

送李司直歸浙東幕兼寄鮑行

集作參

軍持節大

夫初拜東平郡王

朱灣

翩翩書紀草，曾聞二十年來願。
見君今日相逢，悲白髮同時幾許。
在青雲人從北固山邊，
集作前去水到西陵，
集作俗渡口。

分會

集作曾

作王門曳裾客，為余前謝鮑參軍。

送魏校書

朱放

長恨江南足別離，幾迴相送復相隨。
楊柳一作柳花撩亂撲流，水愁殺行人知不知。

送温台

前人

眇眇天涯君去時，浮雲流水自相隨。
人生一世長如客，何必今朝是別離。

送司空曙之蘇州

苗發

盤門吳舊地，蟬盡草秋時。
歸國人皆久，移家居獨遲。
廣陵經水宿，建業有僧期。
若到栖霞寺，應看江惣碑。

送孫詡德罷官

一作任

往黔州

孫公先牧此州因寄家在彼

前人

中歲分符典石城，兩朝趨陛謁承明。
闕下昨陳歸老疏，天南今切去鄉情。
親知握手三回別，几杖扶身萬里行。
伯道暮年

無嗣子欲將家事托門生

田家秋日送

于良史

蒼茫日初晏遙野雲初收殘雨北山東夕陽東渡頭一作依

漁濂里黍含鑿二切大水

中絕小水出也合水入田家流何意君迷駕山林應有秋

江上送友人

前人

看爾動行棹未收離別筵千帆忽見及亂却故人船紛泊鴈
群起透迤沙渚連長亭十里外應是少人煙

送安養閻主簿還竹

一作林

林珣

分手怨河梁南征歷漢陽江山追宋玉雲雨夢荆王醉裏
宜城近歌中郢路長更尋栖枳處猶是念仇香

送王倫

劉復

春江日未曛楚客酣送君翩翩孤黃一作島鶴萬里滄洲雲四
方各有志豈得常顧群山連巴湘遠水已一作與荆吳分

清光日終阻尺素安可論相思寄夢寐瑤草空氛氲

送劉秀才南歸

陳存

為別楊柳垂此別千萬里古路入南山春風生灞水停車
落日在罷酒離人起蓬戶寄龍沙送歸情詎已

送常負外赴朔方

鄭巖

白露邊秋早皇華戎事催已推仙省妙更是幕中才出餞
傾朝列深佇帝臺坐聞長策利終見勒銘迴

送李補闕歸朝

徐嶷

駟馬歸咸秦雙鳧去海門還從清切禁再沐聖明恩禮樂
中朝貴文章大雅存江湖多放逸獻替欲誰論

送常判官歸薊州

集作門

于鵠

桑乾歸路遠聞說亦愁人有雪常經夏無花空到春
下營雲外大收一作馬月中塵白首從戎客青袍

集作未離身

送唐大夫讓節度使歸山

前人

年老功成乞罷兵
玉階匍匐進旂集作旌
朱門鴛尾為仙
觀白領狐裘出帝城
侍女休梳官樣髻
蕃童新改道家名
到時浸髮春泉裏
猶夢江樓簫管聲

別齊太守

前人

花裏南樓春夜寒
還如王屋上天壇
山中不道無名月
誰肯集作共相從到曉看

送友人入蜀

李遠

蜀客本多愁
君今是勝遊
碧葳雲外樹
紅露詩選作壓驛邊樓
杜魄呼名叫巴江
學集作字流不知煙
兩夜何處夢刀州

送魏簡能東遊

李涉

獻賦論兵命未通
却乘羸馬去一作出
關東灞陵原上重回首

載長安是一作似夢中

送韓揆之江西

李季蘭

相看指楊柳
別恨轉依依
萬里西江水
孤舟何處歸
湓城潮不到
夏口信應稀
唯有漁陽鴈
年年來去飛

送常參軍

已見二百七十三卷

釋清江

送別

釋靈一

憑高莫送遠
看欲斷歸心
別恨啼猿苦
相思流水深
翠雲南澗影
丹桂晚山陰
若未來雙鷓
遼城何更尋

送殷判官歸上都

前人

漾舟雲路客未過
夕陽時向背堪遺恨
逢迎宿未期
水容愁暮急
花影動春遲
別後王孫草
青青入夢思

送王穎悟佐歸州

集作歸左縣

前人

客意天南興已闌
不堪言別向仙官
夢裡玉佩隨旄一作旌

節心到金華憶杏壇荒郊極望歸雲盡瘦一作瘦馬空嘶落日殘想得故山青靄裏泉聲入夜獨潺潺

送陳元初一居麻源 十集作 前人

欲向麻源隱能尋謝客蹤空山幾千里齒谷弟三重岳宇寧須葺荷衣不待縫因君見往事為我謝橋松

送朱放 前人

苦見人間世思歸洞裏天縱令山鳥語不廢野人眼

送常大夫赴朔方 釋法震

關山今不掩軍候鳥先知大漢嫫姚入烏孫部曲隨高旌天外駐寒角月中吹歸到長安第花應再滿枝

送褚先生海上尋封鍊師 前人

潮落風吹定天吳避客舟近承三殿旨欲向五湖遊不壓烏皮几新縫鶴氅裘明珠漂斷岸陰火映中流華蓋芝童引神

丹桂女收縣居知縹緲固為識浮丘

送人遊越 前人

不須行借問為爾話閩中海島春冬雨江帆來去風道由玄度宅身寄郎陵公縱別何傷遠如今閑塞通

送韓侍御自使幕巡海北 前人

微雨過山夜洗兵繡衣遙拂海風清幕中運策心猶苦馬上吟詩卷已成離亭不惜花源醉古道猶看蔓草生因說元戎能破敵高歌一曲隴關情

丹陽浦送客之海 前人

不到中南向幾秋移居更欲近滄洲風吹雨色連村暗潮擁菱花出岸浮漠望中春自艷寥泊處夜堪愁如豈得空高枕只益天書遣遠求

奉送陸中丞長源詔徵入朝 釋皎然

詔下擲侯幕微賢寵大一作勲才當持漢典道可致堯君
藩牧今榮餞詩流此盛文水從吳渚別樹向楚門分宿寺
期嘉月看山識故雲歸心復一作何託惆悵在江濱

奉送李中丞道昌入朝

前人

文憲中司盛恩榮外鎮崇諸侯皆取則八使獨推功詔喜新
銜鳳車看舊飾熊去思今武子餘教昔文翁清白一作如
江水仁流是國風先微二千石掃第望司空

同盧使君幼平郊外送閩侍御歸臺 前人

留殘飛旌駐離亭草色間栢臺今上客竹使舊朝班日落東
西水天寒遠近山古江分楚望殘柳入隨閣戀心常積迴
軒日不閑芳辰倚門道猶得及春還

同顏使居真卿峴山送李法曹陽冰西上獻書時
會有詔徵赴京 前人

漢日中即妙周王太史才雲書捧日去鶴版下天來草見
吳宮發花思御苑開羊公昔惜一作風景欲別幾遲迴

送劉司法之越州

前人

蕭蕭鳴夜角驅馬背城濠雨後寒流急秋來朔吹高三山
期望海八月欲觀濤幾日西陵路應逢謝曹法

送裴邕之上京

前人

辭山偶世清挾策忽西行帆過隋江疾衣粘楚雪輕尚文
須獻賦重道莫論兵東觀今多士應高白馬生

送沈秀才之閩中

前人

見集本

越客不成歌春風起綠波嶺重寒不到海近瘴偏多野戍
桡柳發人家翡翠過翻疑此中好君問定如何

早春送顏主簿遊越兼謁元中丞

前人

輕舸趣不已東風吹綠蘋欲看梅市雪知賞柳家春別意

傾吳醪一作芳聲動越人山陰三月會內史得嘉賓

送李秀才赴婺州

前人

山開江色上孤賞去應遲淶水延吳榜秋風入楚祠一作猿清獨宿處木落遠行時見說東陽守登樓為爾期

送嚴明府入關謁黎京兆

前人

春日異秋風何為怨別同潮迴芳渚沒花落畫山空族候聞嘶馬殘陽望斷鴻應思京內史相見直城中

送陸判官歸杭州

前人

芳草潛州路乘輶憶再旋餘花故林下殘月舊池邊峯色雲端寺潮聲海上天明朝富春渚應見謝公船

同顏使君清明日遊因送蕭主簿

前人

誰知賞嘉節別意忽相和暮色汀洲遍春情楊柳多高城戀旌旆極浦宿風波惆悵支山月今宵又雜詠作不再過

送李季良北歸

前人

風吹殘柳絲一作孤客欲歸時掩柳楚絃絕離披相葉衰前軍猶轉戰故國杳難期北望應門雪空吟平子詩

峴山送裴秀才赴舉

前人

漢家招秀士峴上送君行萬里見秋色雨河傷遠集作情王師出西鎬虜寇避集作東平天府登名後迴看楚水清

送獨孤使君赴岳州

前人

海上仙山屬使君石橋琪樹此來聞他時畫出白團扇乞取天台一片雲

文苑英華卷第二百七十四

登侍郎胡

柯

鄉貢進士彭

叔夏

校正

文苑英華卷第二百七十五

送行十

顧況五首

耿緯十一首

司空曙十八首

冷朝陽一首

李益三首

李端十七首

暢當一首

王建八首

楊凝六首

白蘋洲送客

觀況

莫信梅花發由來漫報春不才充野客扶病送朝臣闕下推
青珮洲邊採白蘋臨流不痛飲鷗鳥也欺人以下五篇
並見集本

送常秀才赴舉

前人

鄱陽中酒地楚老獨醒年芳桂君應折沉灰我不燃洛橋
浮迸水閑樹接非集作烟唯有殘生夢猶能到日邊

送使君

前人

天中洛陽道海上使君歸拂霧趨金殿焚香入瓊闈山亭
傾別酒野服間朝衣他日思朱鷺知從小苑飛

送大理張卿

前人

春色依依傷解携月卿今夜泊隋堤白沙洲上江蘿長綠
樹村邊謝豹啼遷客本集作來無倚伏故人相去隔雲泥

越禽唯有南枝分目送孤歸集作鴻飛向西

送李侍郎從宣城取洞庭路往吳興前人

世間唯集作

只

有情難說今夜應無不醉人若向洞庭山下

過暗知澆瀝聖姑神

奉送蔣尚書兼御史大夫東都留守

耿緯

副國威名重春卿禮樂崇賜珪仍拜下分命遂居東高旆
翻秋日清鏡引細風蟬稀金谷樹草徧德陽宮教用儒門

儉兵依武庫雄誰云千載後周召獨為公

送王秘書歸江東

前人

迴首望知音透遲桑柘林人歸海郡遠路入雨天深萬木
經秋葉孤舟向暮心唯餘江畔草應見白頭吟

送郭秀才赴舉

前人

鄉賦鹿鳴篇君為貢士先新經夢筆夜纔比弃繻年海雨
沾隨柳江潮送楚船相看南去鴈一作岸去離恨倍潛然

送校書因歸河中

前人

十年相見少一宿又還鄉去任人惆悵東西路渺茫古陵
無茂草高樹有殘陽委棄秋餘稻凋疎採後桑月輪生舜
廟河水入閨墻明過閭闔里光輝芸閣香

送胡校書秩滿歸河中汾陽

集作汾陰去得集作又前人

古樹分陽道悠悠東去長位卑仍解印身去得還鄉河水

平秋岸闔門向夕陽音書須數寄莫學晉稽康

送王閏

前人

相送臨漢水蒼然望故關江蕪連夢澤楚雪入商山語我
他年舊看君此日還因將自悲淚一灑別離間

渭上送李藏器移家東都

前人

求名須有援學道又無緣故國參千里新春伍拾年移家
還作客避地莫知賢東洛何處風流去湫然又見三百十八卷

送郭正字歸郢上

前人

濟江篇已上書府俸猶貧積雪高山道全家楚塞人夫堤
逢落日廣漢望通津却到漁潭上驚鷗那肯親

送客蜀還

前人

萬峯深積翠路向此中難欲暮多羈思因高莫遠看卓
家人寂寞楊子業荒殘唯見岷江水悠悠帶月寒

送海州盧錄事

前人

之官逢計吏風土問如何海口朝陽近青州春氣多郊原
鵬影到樓閣蜃雲和損益關從事期聽勞者歌

送友人遊江南

前人 見詩選

遠別悠悠白髮新江潭何處是通津潮聲偏懼初來客海
味唯甘久住人漠漠煙光前浦晚青青草色故原春一作汀
洲更有南迴歸一作鴈亂起聯翩北向秦

送夔州班使君

司空曙

魚國一作蜀國 蕞蕞魚鳧皆蜀事又巴庸路麾幢漢守過曉檣
爭市隘夜鼓祭神多雲白當山雨風清蒲峽波夷陵舊人

吏猶誦兩歧歌

以下十七篇並見集本

送郎士元使君赴郢州

前人

使君持節去雲水滿前程楚寺多連竹江橋集作遠映城

登樓向月望賽廟旁山行若動思鄉詠應貽謝步集作兵

賊平後送人北歸

前人

世亂同南去時清獨北還他鄉生白髮舊國見青山曉月
過殘壘繁星宿故關寒禽與衰草處處伴愁顏

送人遊嶺南

前人

萬里南遊客交州見柳條逢迎人易合時日酒能銷浪曉
浮青雀風温解黑貂囊金如未足莫恨故鄉遙

送曹桐椅

前人

青春三十餘衆藝盡無如中散詩傳盡一作將軍扇賣書
楚天晴下鴈江日暖游集作魚惆悵空相送散遊自此踈

送盧謏

集作

前人

羈貧不易去此日始集作西東旅舍秋霖葉集作行人塞
草風酒醉餘恨在野餞暫遊同莫使禰生刺空留懷袖中

送史澤之長沙

前人

謝眺懷西府單車觸火雲野蕉集作依戍客廟竹映湘君
夢渚巴山斷長沙楚路分一杯從別後風月不相聞

送寵判官赴黔中

前人

天遠風烟異西南見一方亂山來蜀道諸水出辰陽堆案
青油暮看暮盡角長論集作文誰可製記室有何郎

送夏侯審赴寧國

前人

青旂連白浪曉日渡南津山疊陵陽地舟多集作建業人
煙霞高占寺楓竹暗停神如接玄暉集江丞獨見親

送菊潭王明府

前人

業成洙泗客皓髮着儒衣一與遊人別仍聞帶印歸林多
宛地古雲盡漠山稀莫愛潯陽隱獮官計亦非

送永陽崔明府

前人

古國羣舒地前當桐栢閑煙綿江上雨稠疊楚南山沙館
行帆息楓洲一作候吏還乘籃若有暇精舍在林間

送高勝重謁曹王

前人

江水詩選上青楓岸陰陰萬里春朝辭郢城酒暮見洞庭人
興比乘舟訪恩懷倒屣親想君登舊榭重喜掃芳塵

送樂平苗明府

前人

天際山多處東安邑更深綠田通竹里白浪隔楓林詩有
江僧和門唯越客尋應將放魚化一境表吾心

送吏申之峽州

前人

峽口巴江水無風浪亦翻蒹葭新有鴈雲雨不離猿江客
思鄉遠愁人賴酒昏檀郎好聯句莫滯謝家門

送王使君赴太原拜節度副使

前人

新從劉太守結束向并州絡腦青絲騎盤囊錦帶鈎出關

逢將校下嶺攤干集作

七

矛雪閉黃雲冷山傳畫角秋歛鋒

將破虜丞道罷登樓豈作書生老當封萬戶侯

送盧徹之太原謁馬尚書

前人

榆落鵬飛閑塞秋黃雲盡角見并州翩翩羽騎雙旌後上

客親集作隨郭細侯

送鄭錫贈曾事此君李父

前人

漢陽雲樹情無極蜀國風烟思不堪莫恠別君偏有淡十
年曾事晉征南

送鄭佶歸洛陽

前人

蒼蒼楚色水雲間一醉春風送爾還何處鄉心最堪羨汝
南初見洛陽山

送唐六赴舉

冷朝陽

秋色生邊思送尹西入關草衰空大野葉落露青山故國

煙霞外新安道路間碧霄知己遇一作香桂月中攀

送同落第者東歸

李益

東門有行客落日滿前山聖代誰知者滄洲今獨還片雲歸海暮流水背城閑予亦依嵩嶺一作松花深閉關

送柳判官赴振武

前人

邊庭漢儀重旌甲事雲中虜地山川壯單于鼓角雄閑寒塞榆落月白胡天風君逐嫖姚將麒麟有戰功

送客還幽州

見二百九十九卷

前人

送耿拾遺使江南括圖書

李端

驅傳草連天涼風蒲樹蟬將過夫子宅亦問孝廉船漢史收三篋周書採百篇別來終有淚不是怨流年

送古之奇之涇西

集作赴安西幕

前人

疇昔十年元相逢五校迎今宵舉盃酒隴月見軍城候火

經陰絕邊人接曉行殷勤送書記強虜幾年集作時平

以下十二篇並見集本

送客往

集作赴湘江

前人

識君年已老孤棹向瀟湘素髮臨高鏡清晨入遠鄉三山分夏口五兩映溱陽更逐巴東集作客南行淚幾行

送友人遊蜀

前人

嘉陵天氣好百里見雙流帆影綠巴寺鍾聲出漢州綠原春草脫青木暮猿愁正集作是風流地遊人易白頭

送從舅成都丞廣南歸蜀

前人

詩選作盧給

巴字天邊水秦人去是歸棧長山雨響谿亂火田稀俗富行應樂官椎祿豈微魏舒終有淚還濕甯家衣

送友人遊江東

前人

江上花開盡南行見杪集作春鳥聲愁集作古木雲影入

通津返景斜連草迴潮暗動蘋謝公今在郡應喜得詩人
送張少府赴夏縣
前人

雖為州縣職還欲抱琴過樹古聞風早山枯見雪多鷄聲
連絳市馬色傍黃河太守新臨郡還逢五袴歌
送袁綢遊淮南
前人

江淮衰草徧十里見長亭客去逢搖落鴻飛向
空城寒雨細深院曉燈青欲去行人起徘徊恨酒醒
送何北下第還蜀
前人

重河集作不可涉孤客莫晨裝古集作木莎城小殘霞集作
棧道長裹猿楓子落過一作雨荔枝香觀爾成都住文翁
有學堂
前人

久是天涯客偏傷木落時如何故國見更欲異鄉期鳥暮
東西急陂一作寒上下遲空將滿眼淚千里怨相思
送樂平苗明府
前人

本自求彭澤誰云道里賒山從古壁斷江向弋陽斜暮色
隨楓樹陰雲暗集作荻花諸侯舊調鼎應重宰臣家
送衛稚下第歸同州
前人

不才先下第詞客却空還邊地行人少平蕪盡日閑一蟬
波裏樹衆火隴頭閑羨得居茅屋書窻見晚山集作
大隴雲間羨汝歸茅屋書窻見遠山
送雍丘任少府
前人

藜車餞才子路走許車偏遠水回春色繁花勝雪天鳥行
侵楚色集作樹影向殷田莫學生鄉思梅真正少年
送義興元少府
前人

逢君惠連弟初命便光輝已得羣公祖集作妨太傅譏

路長人返顧草盡驚迴飛本是江南客還同衣錦歸

送新成戴叔倫明府

前人

遙想隋堤路春天楚國情白雲當海斷青草隔淮生鴈起
斜還直潮迴遠更平萊蕪不可到一醉送君行

送成都韋丞還蜀

前人

蜀門雲樹合高棧有猿愁驅傳加新命之官向舊遊晨裝
逢酒雨夜夢見刀州遠別長相憶當年莫滯留

送夏侯審遊蜀

前人

西望烟綿樹愁君上蜀時同林息商客隔棧見鼠師石滑
羊腸險山空杜宇悲琴心正幽怨莫奏鳳凰詩

奉送杜中丞赴洪州

暢當

詔出鳳凰宮新恩連帥雄江湖經戰陣草木待仁風豪右
貪一作弱威愛紆繁德簡通多慙君子顧攀錢路塵中

送嚴大夫赴桂州

王建集無

嶺頭分界候一半屬湘潭水驛門旗出山巒洞主叅辟邪
犀角重解酒荔枝甘莫歎京華遠安南更有南

送李集作吳郎中赴忠州

前人

西臺復南省清白上天知家每因貧集作窮散官多為直移
遙裝集作推過驛近買藥出城遲朝達留詩集作憑別親情伴

酒悲故園愁去後白髮想迴時何處忠州界山頭立集作卓
望旗

以下七篇並見集本

送李評事使蜀

啼猿一作猿啼戲鹿一作鹿戲前人

勸酒不依巡明朝萬里人轉江雲棧細近驛板橋新石冷
啼猿影松昏戲鹿塵少年為客好况是益州春

送鄭權尚書南海

前人

七郡雙旌貴人皆不憶迴戍頭龍腦鋪闕口象牙雄勅設

薰鑪出蠻辭咒節開市喧山賊破金賤海船來自氍家家
織紅蕉處處栽已將身報國莫起望鄉臺

送唐大夫罷節歸山

前人

年少平戎老學仙表求骸骨乞生全不堪腰下懸金印已
向雲西寄玉田旄節抱歸官路上公卿送到國門前人間
鷄犬同時去遙聽仙謠

集作
崖歌隔水煙

送魏州李相公

前人

百代功勳一日成三年五度換雙旌閑來不對人論戰難
處長先自請行旗下可聞誅敗將陣頭多是用降兵當朝
面受新恩去筭料妖星未敢生

送史將軍安西迎舊使靈櫬

前人

漢家都護邊頭歿舊將麻衣萬里迎陰地背行山下火風
天錯到磧西城單于送葬還垂淚部曲招魂亦道名却入

杜陵秋巷裏路人來去讀銘旌

送司空神童

前人

杏花壇上受書時不廢中庭起蝶飛暗寫兩經收却帙初
年七歲着衫衣秋堂白髮先生別古巷青襟舊伴歸獨向
鳳城持薦表萬人藂裏有光輝

送別

楊凝

樽酒郵亭暮雲帆驛使歸野鴻寒不起川雨凍難飛吳會
家移遍輾轅夢去稀姓楊皆足淚非是強沾衣

送客東歸

前人

君向古營州春風戰地愁草青蒙別路柳亞拂孤樓人意
傷難醉鶯啼咽不流芳菲只合樂離思又如秋

送客歸湖南

前人

潮南樹葉盡了了見潭州雨散今爲別雪飛何處遊情來

翻似醉淚迸不成流那向蕭條路綠相黃竹愁

送客往鄜州

前人

新叅將略事西一作營平錦帶駢弓結束輕曉上闕城吟夜
角暗驅羗馬發支兵回中地遠風常急鄜時年多草自生
近喜扶陽係戎相從來衛霍笑長纓

送友人歸淮南

前人

畫舸照河堤暄風草色齊竹絲直網蝶去鷺旋遺泥郡向
高齋近人從別路迷非闕御溝上今日各東西

送客往夏州

前人

隣君此去過居延古塞黃雲共渺然沙闊獨尋邊馬跡路
迷遙指戍人煙夜投孤店愁吟笛朝望行塵喜控弦聞有
故交今從騎何須著論更言錢

文苑英華卷第二百七十五 登仕郎胡柯鄉貢進士彭叔夏校正

文苑英華卷第二百七十六

詩一百二十六

送行十一

武元衡一十首

姚係三首

馬異一首

楊巨源五首

楊衡九首

陳羽八首

歐陽詹二首

韓愈十一首

孟郊十首

呂溫四首

送柳侍御

集作裴起居

武元衡

沱江水綠波喧鳥去喬柯南浦別離處東風蘭杜多長亭
春婉婉層漢路蹉跎會有歸朝日班超柰老何

以下十一篇見集本

送韋侍御司議赴東都

前人

洛京千里近離緒亦紛紛文憲芙蓉沼元方羔鴈羣河關

連鞏樹嵩少接秦雲獨有秋風引集作睽携不可聞

送太常十二元罷冊南詔却赴上都 前人

鄉路自茲始征軒行復留張騫隨漢節王濬守刀州澤國
煙花度銅梁霧雨愁別離無可奈萬恨錦江流

送徐負外使還上都 前人

九折朱輪動三巴白露生蕙蘭秋意晚閑塞別魂驚寶
瑟連宵怨金壘盡醉傾旄頭星未落分手輓轡鳴

送李正字歸蜀 前人

已獻甘泉賦仍登片玉科漢官新組綬蜀國舊煙蘿劍壁
秋雲斷巴江夜月多無窮別離思遙寄竹枝歌

送吳侍御司馬赴台州 前人

盧枕佐郡遙川陸共集作迢迢風景經吳會文章變越
煙林繁橘袖雲海浩波朝余有靈山夢前君到石橋

送常集作秀才赴滑州謁大夫舅 前人

陌頭車馬去翩翩白面懷書美少年東武楊公姻集作
重西州謝傅舅甥賢長亭叫月新秋鴈官渡含風古樹蟬

知已滿朝留不住貴臣河上雍旌旄

送張六諫議歸朝 前人

詔書前日下丹霄頭戴儒冠脫卓貂笛怨柳營花集作漠
漠雲愁江館雨簫簫鴛鴻得路爭先翥松桂凌寒識集作

後凋歸去朝端如有問玉門關外老班超

同幕中諸公餞送李侍御歸臺 前人

昔年專席奉清朝今日持書即舊僚珠履會中簫篴思白
雲歸處帝鄉遙巴江暮雨連三峽劍壁危梁上九霄歲月

不堪相送盡顏顏更爲集作別離凋

送崔判官還集作太原 前人

勞君車馬此逡巡我與劉君本世親
兩地山河分節制十年京洛并風塵
笙歌幾處胡天月羅綺長留蜀國春
報主自應集作由來須盡敵相期集作煙塵萬里寶刀新

送唐次

前人

都門去馬嘶灞水春流淺青槐驛路直集作長白日離亭晚
望望烟景微草色行人遠

送陸渾趙主簿宗儒赴任

姚係

山中眇然意此意仍平生常日望鳴騶
遙對洛陽城故人吏為隱懷此為蓬瀛
夕氣涓巖上晨流瀉岸明存亡區中
事影響羽人情溪寂值猿下雲歸聞鶴聲
及茲春始暮花葛正相縈會有携手日
悠悠去無程

送周原判官歸嶺南

前人見文粹

早蟬望秋鳴夜琴怨離聲
眇然多異感值子津山行由來
重義人感激事縱橫
往復念遐阻淹留慕平生
晨奔九懼錢暮始萬里程
山驛風月樹海門烟霧城
易綃泉源近拾翠沙渚明
蘭蕙一為贈貧交空復情

送楊參軍莊送宇文邈

前人

秋雲昌原隰野鳥蒹林聲
愛此田舍事稽君車馬程
離堂際不喧脉脉復盈盈
蘭葉一經露香消為贈
輕燈光耿方寂蟲思隱
逾清相望忽無際如含
江海情

送皇甫湜赴舉

馬異文粹

馬蹄聲特特去入天子國
借問去是誰秀才皇甫湜
含吐一腹文八音兼五色
主文有崔李郁郁為朝德
青銅鏡必明朱絲繩必直
稱意太平年願子長相憶

清明日 后土祠送田微雜錄

楊巨源

清明千萬家處處是年華
榆柳芳辰火梧桐今日花
祭雜錄

作登祠結雲騎遊陌擁香車惆悵田郎去原迴烟樹斜

送杜郎中史君赴虔州

前人

迢遞南康路清輝得史君虎符秋領俗鵲署一辭羣地遠
仍連戍城嚴本帶軍傍江依檻月當嶺蒲牕雲境勝閭闔
聞天清水陸分和詩將惠政和疑述九衢聞

重送胡大夫赴振武

前人

何年擢桂儒生業今日分茅聖主恩旌旆仍將過鄉路軒
車爭看出都門人間文武能雙捷天下安危待一論布惠
宣威大夫事不妨詩思許琴樽

送陳判官罷舉赴

前人

練思多時冰雪清拂衣無語別諸生莫將甲乙爲前累不
廢煙霞是此行定愛紅雲燃楚色應看白雨打江聲心期
玉帳親台位魏勃因君說姓名

送李虞仲秀才歸東都因寄元李二友 前人

高翼閑未倦孤雲曠無期晴霞海面畔秋草燕南時鄴中
多上才耿耿丹青姿顧我於逆旅與君發光儀同將儒者
方獲忝携疑作人知幽蘭與芳珮寒玉鏘美詞舊友在伊
洛鳴蟬思山陂到來再春風夢盡雙瓊枝素業且無負青
冥殊未遲南橋天氣好脉脉一想思

廣州石門寺重送李尚書赴朝時兼宗正卿 楊衡

象闕趨雲陛龍宮憩石門清鏡猶啓路黃髮重攀轅藻變
朝天服珠懷委地言那令蓬蒿客茲席奉離樽

送孔周南之海謁王尚書

前人

泛棹若流萍桂寒山更青望雲生碧落看日下滄溟潮盡
收珠毋沙閣拾翠翎自趨龍戟下再爲誦芳馨

冬夜舉公房送崔秀才歸南陽

前人

聞君動征棹，犯夜故來尋。強置一樽酒，重款百年心。燈白
霜氣冷，空虛松韻深。南陽三顧地，幸偶價千金。

送陳房謁撫州周使君

前人

匡山一畝宮，尚有桂蘭叢。鑿壁年雖異，穿楊志幸同。貌羸
緣塞苦，道蹇為囊空。去謁臨川守，因憐鶴在籠。

江陵送客歸河北

前人

遠客歸故里，臨路結徘徊。山長水復闊，無因重此來。聊將
歌一曲，送子手中杯。

送鄭丞之羅浮中習業

前人

百年泛飄忽，萬事繫衰榮。高鴻脫矰繳，達士去簪纓。始從
天日疑遊，復作羅浮行。雲臥石林密，月窺花洞明。全形在氣
和，習默憑境清。夙秘絳囊訣，屢投今簡名。鐘莞促離觴，
煙隨去程何。當真府內重，得款平生。

送王秀才往安南

前人

君為蹈海客，客路誰諸悉。鯨度乍款山，雞鳴先見日。所嗟
迴棹晚，倍結離情密。無貪合浦珠，念守江陵橘。

送公孫器自桂林歸蜀

前人

桂林淺復碧，潺湲半露石。將乘觸物舟，暫駐飛空錫。蜀香
異青眼，蓬戶高朱戟。風度杳難尋，雲飄詎留跡。舊戶閉花
草，馴鴿傍蒼隙。揮手共忘懷，日隨千山夕。

秋夜桂州宴送鄭十九侍御

前人

秋至觸物愁，况當離別筵。短歌銷夜燭，繁緒遍高絃。桂水
再始泛，蘭堂榻詎懸。一杯勾疑離阻，三歲奉周旋。鴉噪更漏
颯，露濡風景鮮。斯須不共此，且為更流連。
勾離阻 句一 作勿

送戴端公赴容州

陳羽

分命諸侯重，歲縫繡服香。八蠻治險阻，千騎踏繁霜。山斷

旌旗出天清劍珮光還將小戴禮遠出化南方

送殷華之洪州

前人

離堂悲楚調君奏豫章行愁處雪花白夢中江水清扣船
歌月色避浪宿猿聲還作經年別相思湖草生

西蜀送許中庸歸秦赴舉

前人

春色華陽國秦人此別離驛樓橫水影鄉路入花枝日暖
鶯飛好山晴馬去遲劍門當石隘棧閣入雲危獨鶴心千
里貧交酒一卮桂條攀偃蹇蘭葉藉參差旅夢驚胡蝶殘
芳怨子規碧霄今夜月惆悵上峨眉

送友人及第歸江東

前人

五陵春色泛花枝心醉花前遠別離落羽詩選耻爲閔右
客戎名空羨里中兒都門雨歇愁分處山店燈殘夢到時
家住洞庭多釣伴因來相賀話相思

梓州與溫商夜別

前人

鳳皇城裏花時別玄武江邊月下逢客舍莫辭先買酒相
門曾忝共登龍迎風騷屑千家竹隔水悠揚五夜鍾明日
又行西蜀路不堪天際遠山重

送友人遊嵩山

前人

嵩山歸路繞天壇雪影松聲滿谷寒君見九龍潭上月莫
辭清夜

伏翼洞送夏方慶

前人

見詩選

洞裏春晴花正開看花出洞幾時迴殷勤好去武陵客莫
引世人相逐來

送德輿歸穿石洞山居

前人

烏巾年少歸何處一片絳霞山洞中惆悵別時花似雪行
人不肯醉春風

送潭州陸戶曹之佐戶曹自虔州陷倉受

集作處州
司倉除

歐陽詹

三語又為掾大家聞屈聲多年名下人四姓江南英衡嶽
半天秀湘潭無底清何言驅車遠某作去有蒙莊情

福建送鄭楚材赴京時監察劉公亮有

感激鄭意前人

美人河嶽靈家本滎陽集作水濱門承若蘭族身蘊如瓊文

早折青桂枝俯窺鴻鵠羣爾來丹霄姿遠逐蒼梧雲有伊

光鑒今惜慈遙蕙薰中酣前激昂四座同氛氲海郡梅霏

晴山卸炎景曛迴翔罷南遊鳴啖期西聞秦塞鸞鳳征越

江雲雨分從茲一別離行致如堯君

送鄭尚書赴南海韓愈

番禺軍府盛欲說暫停杯蓋海旗幢出連天觀閣開衙時

龍戶集上日馬人來風靜鷄鶴去官廉蚌蛤迴貨通師子

國樂奏越王臺事皆殊異無嫌屈大才以下十一篇
並見集本

送李尚書赴襄陽得長字前人

帝憂南國切改命付忠良壤畫星搖動旗分獸斂揚五營

兵轉蕭千里地還方控帶荆門遠飄浮漢水長賜書寬屬

郡戰馬隔隣疆縱獵雷霆迅觀碁玉石忙風流峴首客花

艷大堤倡富貴由身致誰教不自強

杏園送張澈侍御前人

東風花樹下送爾出京城久抱傷春意新添惜別情歸來

身已病相見眼還明更遣將詩酒誰家逐後生

送桂州嚴大夫前人

蒼蒼森八桂茲樹在湘南江作青羅帶山如碧玉簪戶多

輸翠羽家自種黃甘遠勝登仙飛鸞不假駮一作駮

送李負外院長分司東都

前人

去年秋露下羈旅逐東征今歲春光動驅馳別上京
飲中相顧色送後獨歸情兩地無千里因風數寄聲

送李六協律歸荆南

前人

早日羈遊所春風送客歸柳花還漠漠江鷺正飛飛
歌舞知誰在賓寮逐使非永亭池水綠莫忘蹋芳菲

送侯喜

前人

已作龍鍾後時者懶於街裏蹋塵埃如今便別官長去
直到新年衙日來

送李翱

前人

廣州萬里塗山重江遙迤行行何時到誰能定歸期
揖我出門去顏色異恒時雖云有追送足跡絕自茲
人生一世間不自張與施譬如浮江木縱橫豈自知
寧懷別時苦勿

作別後思

送石洪處士赴河陽幕

前人

長把種樹書人去避世士忽騎將軍馬自號報恩子
風雲入壯懷泉石別幽耳鉅鹿師欲老常山險猶恃
豈惟彼相憂固是吾徒耻去去事方急酒行可以起

送李礎判官歸湖南

前人

長沙入楚深洞庭值秋晚人隨鴻鴈少江共蒹葭遠
歷歷余所經悠悠子當返孤游懷耿介旅宿夢婉婉
風土稍殊音魚鰕日異斂親交俱在此誰與同息偃

送諸葛覺往隨州讀書

前人

鄴侯家多書插架三萬軸一一懸牙籤新若手未觸
爲人強記覽過眼不再讀偉哉羣聖文磊落載其腹
行年五十餘集作余出守數已六京邑有舊廬不容久
食宿臺閣多

官員無地寄一足我雖官在朝氣勢日局縮屢為丞相言
雖懇不見錄送行過淮集作水東望不轉目今子從之遊
學問得所欲入海觀龍魚矯翮逐黃鵠勉為新詩章月寄
三四幅

送殷秀才南遊

孟郊

詩句滿離袂酒花醺別顏水程千里外岸泊幾宵間風葉
亂辭木雪猿清叫山南中高集作古事詠遍始應還

以下十篇並見集本

張徐州席送岑秀才

前人

振振芳集作蘭步升自君子堂泠泠楓集作桂吟生自楚

客腸迷集作鳥無定棲驚蓬在他鄉去茲門館閣即彼道

路長雨餘山川淨麥熟草木涼楚淚滴章句荆塵滿集作京

衣裳贈君無餘他久要不可忘

送崔寅亮下第

前人

天地唯一氣用之自偏頗憂心集作成苦吟達士為高歌

君子識不淺枝蔓集作幽更多歲晏期攀折時歸且婆娑

素貌集作如削玉清詞若傾河潛虬集作未化時魚鱉同

一汲去矣當自適故山饒薜蘿

送韓愈從軍

前人

志士感恩起變衣非變性親賓改舊觀僮僕生新敬坐作

羣書吟行為孤劍詠始知出處心不失平生正淒淒天地

秋凜凜軍馬令驛塵時一飛物色極四靜文粹王師既不

戰廟畫在文粹無競王粲有所依元瑜初應命一章諭

檄明百萬心氣定今朝旗集作鼓前笑別丈夫盛

贈崔純亮別

前人

食齋腸亦苦強歌聲無歡出門即有礙誰謂天地寬有礙

非遐方長安大道旁小人智慮險平地生太行鏡破不改
光蘭死不改香始知君子交集作久之道益彰君心
與我懷離別俱迴違譬如浸藥泉流苦日已長丑泣目易
衰忍悲文粹形自文粹傷項籍豈非集作非壯賈生豈非
集作非良當其失意時涕泗各滿集作裳古人勸加餐此餐
難自強一飲集作九祝噎一嗟十斷腸況是兒女寃集作碧
寃氣凌彼蒼彼蒼若有知白日下清霜今朝始驚呼
碧落空茫茫

送任齊二秀才自洞庭遊宣城

任載齊古

前人

洞庭非人境道路行虛空二客月中下一帆天外風
魚龍波五色金碧樹千叢閃恠如何懼在誠無不通扣寄
驚浩淼採異動穹崇物表積高韻人間訪仙公宣城文雅
地謝守聲問融證玉易爲力辨珉誰不同從茲阮籍淚且

免泣途窮

山中送從叔簡

前人

莫以手中瓊言邀世上名莫以山中迹久向人間行松栢
有霜操風泉無俗聲應憐枯朽質驚此別離情

送從弟郢東歸

前人

爾去東南夜我無西北夢誰言貧別易貧別愁更重曉色奪
明月征人逐羣動秋風楚濤高旅榜將誰共

大梁送柳淳入關

前人

青山輾爲塵白日無閑人自古推高車爭利西入秦王門
與侯門待富不待貧唯賈集作一束書獨去將誰親集去

去誰

送柳淳

前人

青山臨黃河下有長安道歲歲集作名利人相逢不知老

送范司空赴朔方 得遊字

呂溫

築壇登上將膝席委前籌虜滅南侵趾集作朝分北顧憂

抗旌迴廣漠撫劍動旄頭日集作見黃雲暮行看白草秋

山橫舊秦塞河遠古靈州戍集作守如無事集作維應獵

騎遊

送段透才歸澧州

前人

湘南孤白芷幽託在清潯豈有馨香發空勞無處深推賢
路已隔賑乏力弗任慙我一言分負君千里心寸義薄聯
組片誠敵兼金惟期踐冰雪無使弱思侵

衡州送李兵曹赴湘東

前人

慷慨視別劍淒清泛離琴前程楚塞斷此別集作洞庭
深文字已久集作廢循良非所任期君碧雲上千里一

楊音

道州送戴簡處士賀州謁楊侍郎 前人

羸馬孤童鳥道微三千客散獨南歸山公念舊偏知我今
日因君淚滿衣

文苑英華卷第二百七十六

登仕郎胡柯 鄉貢進士彭 叔夏 校正

文苑英華卷第二百七十七

詩一百二十七

送行十二

劉禹錫二十七首

張籍二十五首

元稹四首

送令狐相公自僕射出鎮南梁 劉禹錫

夏木正陰成 戎裝出帝京 沾襟辭闕淚 回首別鄉情 雲樹
囊中路 風煙漢上城 前旌轉谷去 後騎踏橋聲 久領鷓行
重無嫌虎節 集作 輕終當持 集作 一筆再入福蒼生

以下二十七篇並見集本

奉送裴司徒令公自東都留守再命太原 本封

公兩任相
去十六年

前人

星使出關東 兵符賜上公 山河歸舊國 管籥換離宮 行色
旌旗動 軍聲鼓角雄 愛棠餘故吏 騎竹見新童 漢壘三秋

靜胡沙萬里空其如天下望旦夕詠清風

早秋送臺院楊侍御歸朝兄弟四人過歷諸秋二人同在省 前人

仙署棣華春當時已絕倫今朝丹闕下更入白雲人重振

高陽族分居要路津一門科第足五府辟書頻鷲鳥得秋

氣法星懸火旻聖朝寰海靜所至不埋輪

送陸侍御歸淮南使府五韻用年 前人

江佐重詩篇陸生名久傳鳳城來已熟羊酪不嫌羶歸路

芙蓉府離堂瑋瑋筵泰山呈臘雪隋柳布新年曾忝揚州薦

因君達短牋時改承相鎮楊常厚表薦

送太常蕭博士弃官歸養赴東都時元元罷相為少師仲况

為即官並分司洛邑 前人

兄弟盡駕鸞歸心切問安貪榮五綵服遂掛兩梁冠侍膳

曾調鼎循陔更握蘭從今別君後長向德星看

奉送家兄歸王屋山隱居據道書王屋山一名陽洛山 前人

陽洛天壇上依稀似玉京夜分先見日月靜忽集作淨遠聞笙

雲路將雞犬丹臺有姓名古來成道者兄弟亦同行

送趙中丞自司金郎轉官祭山南令狐僕射幕

府趙氏兄弟皆僕射門客 前人

綠樹滿褒斜西南蜀路賒驛門經赤縣集作臨白草道路集作過黃

花相府開油幕門生逐絳紗行看布政後還從入京華

送河南黃甫少尹赴絳州 前人

祖帳臨周道前旌指晉城午橋羣吏散亥字老人迎詩酒

每同樂別離方見情從茲洛陽社吟詠久書生

送王師魯協律赴湖南使幕即未穆公之孫 前人

翩翩馬上郎驅傳渡三湘橘樹沙洲暗松膠酒肆香素風

傳竹帛高價聘琳琅楚水多蘭若何人事寧芳

送浙西李相公重赴舊鎮新加旌節 前人

江北萬人看玉節江南千騎引金鏡鳳從池上遊滄海鶴
到遼東識舊巢城下清波含百谷隰中遠岫列三茅碧鷄
白馬徊翔久却擁集作朱方集作是樂郊

奉送浙西李僕射赴鎮 前人

建節東行是舊遊歡聲喜氣滿吳州郡人重得黃丞相童
子爭迎郭細侯詔下初辭温室樹夢中先到景陽樓自憐
不識平津閣遙望旌旗汝水頭

送李尚書鎮滑州 前人

南徐報政入文昌東郡須才別建章視草名高同蜀客擁
旄年少勝荀卽黃河一曲當城下緹騎千重照路傍自古
相門還出相如今人望在巖廊

送渾大夫赴豐州 前人

鳳銜新詔降恩華又見旌旗出漢家集作家故吏來辭辛屬
國精兵願逐李輕車集作棗君長迎風懼錦領首豪踏雪衙
其柰明年好春日無人喚看牡丹花

送戶部李侍郎自河南尹再除本官歸闕 前人

昔年內署振雄詞今日東都結去思宮女猶傳洞簫賦國
人先詠衮衣詩華星却復文昌位別鶴重歸太一池想到
金門待稱籍一時驚喜見風儀

送河南馬尹學士赴任 前人

可憐玉馬風流地暫輟金貂侍從才閣上掩書刘向去門
前修刺孔融來峭陵路靜寒無雨洛下集作橋長畫起雷

集作却共集作士宗

送李庚先輩赴選 前人

羨府中棠棣好先於城外百花开集作時公伯仲四人
並以顯官居洛

榮之

一家何啻十朱輪諸父雙飛秉文鈞曾脫素衣然幕客却
為精舍讀書人離遙洛水侵杯色征路函關向晚塵今日
山公舊賓主知君不負帝城春

送李二十九元負外赴邠寧使幕

前人

家襲韋平身業文素風清白至今貧南宮通籍新即吏西
候從戎舊主人城外草黃秋有雪烽頭煙靜虜無塵鼎門
為別霜天脫剝把離觴三五巡

送唐舍人出鎮閩州

集作中

前人

暫辭鷓鴣鷺出蓬瀛忽擁貔貅鎮粵城閩嶺夏雲迎阜蓋
建溪秋樹映紅旌山川遠地由來好富貴當年別有情了
却人間婚嫁事復歸朝右作公卿

送王司馬之陝州

自太常丞授工為諫

前人

暫輟清齋出太常空携詩卷赴甘棠府公既有朝中畫

集作舊

司馬應容醉酒集作後狂按牘來時惟署字風烟入興便成
章兩京大道多遊客每遇詞人戰一場

洛中送楊處厚入關便遊蜀

前人

洛陽秋日正淒淒君去西秦更向西舊學三冬今轉富曾
傷六翮養初齊王城曉入窺丹鳳蜀路晴來見碧雞早識
臥龍應有分不妨從此躡丹梯

送周使君罷渝州歸郢州別墅

前人

君思郢上吟歸去故自渝南擲郡章野戍岸邊留盡舸綠
蘿陰下有山莊池荷雨後衣香老集作起庭草春深綬帶長
只恐鳴騶催上道下容待得晚菘嘗

送蘄州李郎中赴任

前人

楚關蘄水路非賒東望雲山日夕佳薤葉照人呈夏簟松
花蒲椀試新茶棹中飲興集作非因明月江上詩情為晚霞

北地交親長引領早將玄鬢到京華

洛中逢韓中丞之吳興

前人

今朝無意訴離杯何況清絃急莞催本欲醉中輕遠別不知
翻引酒悲來

送張興

集作盤下同

赴舉興即同年之子

有序下錄

前人

爾生始懸弧我作座上賓引箸舉湯餅祝辭天騏驎今成一
丈夫坎軻愁風塵長裾來謁我自號廬山人道舊與
撫孤悄然傷我神依依見肩膊嘿嘿含悲辛永懷同年
交追想出谷晨三十二君子齊飛凌烟旻曲江一會時後
會已凋淪况今三十載閱世難重陳盛時一已過來者日
日新不如搖落樹重有明年春火後見瓊璜霜餘識松筠
蕭機乃獨秀武抱亦絕倫爾今持我詩西見二重臣成賢
必念舊保節在安貧清時為承即氣力侔陶鈞乞取斗升

水因之雲漢津

送常道冲秀才赴制舉

前人

驚禽一辭巢栖息無少安秋扇一離手流塵蔽霜紈故侶
不可追涼風日已寒遠逢杜陵士別盡平生歡逐客無印
綬楚江多芷蘭因君時暇遊長缺不復彈閱書南軒齋絙
琴清夜闌萬境身外寂一盃腹中寬伊昔玄宗朝冬卿冠
駕鸞肅穆升內殿從容頂高集作領儒冠游夏無措詞陽秋垂
不刊至今羣王府學者空縱觀世人希德門揭若攀峰巒
之子尚集作向明訓鏘如振琅玕一旦西上書班裳拂行集作征
鞍荆臺宿暮雨漢水浮春瀾君門起天中多士如星擢煙
霞覆雙闕拊舞羅千官清漏滴銅壺仙廚下雕盤熒煌仰
金勝錯落飛濡翰古來長策人所嘆遭時難一鳴從此始
相望青雲端

送湘陽熊判官孺登府罷歸鍾陵因寄呈江西
裴中丞二十三兄
前人

射策志未就從事府云除篋留馬卿賦袖有劉弘書忽見
夏木深悵然憶吾廬復持州民刺歸謁專城居君家誠易
知勝絕傾里閭人言北郭生門有卿相與鍾陵藹千里帶
郭西江水朱檻照河宮旗亭綠雲裏前年初缺守慎簡由
宸宸臨軒弄郡章得人方付此是時左馮翊天下第一理
貴臣持牙璋優詔發青紙迎風奸集作吏免先令疲人喜
何武劾腐儒陳蕃禮高士昔昇君子堂腰下綬猶黃中丞
萬年汾陰有寶氣赤董多奇銍束簡下曲臺佩鞬來歷陽
綺筵陪一笑蘭室襲餘芳集作蘭堂風水忽異勢江湖遂
相忘因君忽集作借問爲話老滄浪

送華陰尉張蒼赴邕府使幕

張即燕公之孫
項生事除名

前人

昔忝南宮卽往來東觀頻嘗披燕文傳聳若窺三辰翊聖
崇國本保賢正朝倫高視緬今古清夙曼無隣蘭綺照通
衢一家十朱輪鄴國嗣侯絕薦鄉貴業貧夫子成集作大
名少年振芳塵青袍仙掌下矯首陵烟旻公治本非罪潘
卽一爲民風霜苦搖落堅白無緇磷一旦逢良時天光燭
幽淪重爲長裾客佐彼觀風臣分野窮禹畫人烟過虞巡
不言此行遠所樂相知新兩起巫山陽鳥鳴湘水濱離筵
出蒼莽別曲多愁辛今朝一杯酒明日千里人從此孤舟
去悠悠天海春

送鄭尚書出鎮南海

張籍

遠鎮承新命王程不假催班行爭路送恩賜集作一集作時來
牙旆從城展兵符到府開蠻聲集作流集作喧夜市海色潤朝集作南
臺殘角天邊月寒闕嶺上梅共知公望重多是隔年迴

送嚴大夫之桂州

前人

旌旆過湘潭幽竒得遍探
莎城百越北行路九疑南有地
多生桂無時不養蠶聽歌疑
似難辨曲風俗自相諳

送蠻客

前人

借問炎州客天南幾日行
江連惡谿路山遶夜即城柳
葉瘴雲濕桂林蠻鳥驚
蠻鳥整知君却迴日記得海

花名

送遠人

集作前
北旅思

前人

日望鄉國空歌白紵詞常
集作長因送人處憶得別家時
朱意還獨語多愁自不
集作祗知客亭門外柳折盡向南

枝

送遠客

南原相送處秋草水邊生
同作一憶集作鄉客今知集作分

路行因誰寄迴

集作歸

信漸遠向

集作問

前程明日重陽節無

人上古城

送海客歸舊島

前人

海上歸集作去應遠蠻家雲島孤
竹船來桂浦山地集作市賣
魚鬢入國自獻錦集作寶逢人多贈珠却迴
集作歸春洞口斬

象祭天吳

送人往濟南

集作陰

前人

黃綬在腰下知君非旅行
將書報舊里留榻與諸生
贈別盡沾酒惜歡多出城
春風濟水上候吏聽車聲

送鉞客

前人

見說孤帆去東南到會稽
春雲剡溪口殘月鏡湖西
水鶴沙邊宿集作立山鼉竹裏啼
謝家曾住處烟洞入應迷

送韓

集作韓評事歸華陰

前人

蓮花峰下住集作三峯出見世人稀白髮集作老大誰相識青
山集作又獨歸拂牕秋首落開篋勢蛾飛若訪雲中伴還
應着褐衣

送南客

前人

行路雨脩脩青山盡海頭天涯人去遠嶺北水迴集作空流
夜市連銅柱巢居屬象州來時舊相識誰向日邊集作南遊

送從弟戴玄之蘇州

前人

楊柳閭門外集作悠悠水岸斜乘船集作舟向山寺着屐集作
履又到人集作家夜月紅栢樹秋風白藕花江天詩境集作景

好迴日暮令賒

送朱慶餘及第歸越

前人

東南歸路遠幾日到鄉中有寺山皆遍無家水不通湖聲
蓮葉雨野色集作氣稻花風州縣知名久爭邀與客同

送友人歸山

前人

出山成白首重去結茅廬移石修廢井掃龕盛舊書開田
留杏樹分洞與僧居長在幽峯裏樵人見亦踈集作初

送李評事遊越

前人

未習風塵事初為吳越遊露沾湖草晚集作濕日照海山秋
梅市門何在蘭亭水尚流西陵待潮處知汝不勝愁

送李騎曹靈州歸觀

前人

翩翩出上京幾日到邊城漸覺風沙處還將弓箭行席箕
侵路暗野馬見人驚軍府知歸慶應教教騎迎

送裴相公赴鎮太原

前人

盛德椎名遠近知功高先乞守藩維衙恩乍集作暫遣分龍
節署勅還同在鳳池天子親臨樓上送朝官齊出道傍集作邊

辭明年塞北諸藩守集作落應起生祠請立碑

送李司空赴鎮襄陽

前人

中外兼權社稷臣，千官齊出拜行塵。再調公鼎勛庸盛，三受兵符寵命新。商路雪開旗旆遠，集作展楚堤梅發驛亭春。襄陽風景由來好，重與江山作主人。

送南海鄭尚書

前人

聖朝選將持符節，內制宣時百辟聽。海北蠻夷來蹈舞，嶺南封管送圖經。白鷗飛遠迎官舫，紅槿開當宴客亭。此處莫言多瘴癘，天邊看取老人星。

送侯判官赴廣州從事

集作軍

前人

年少才多求自展，將身萬里赴軍門。辟書遠至到，集作到開呈客公服。新成着謝恩，驛舫過江分。白候戍樓，集作亭當嶺見紅簷。海花蠻草連冬有，行處無家不滿園。

送楊少尹赴蒲

集作蒲

城

前人

官為本府當身策，因得還鄉任野情。自廢田園今作主，每逢耆老不呼名。舊遊寺裏僧應識，新別橋邊樹亦成。集作已公事多閑詩更好，將誰相送上山行。

送枝江劉明府

前人

老着青衫為楚宰，平生志業有誰知。家僮從去愁行遠，縣吏迎來恠到遲。定訪玉泉幽院宿，應過碧澗早茶時。向南漸漸雲山好，一路遙集作唯聞唱竹枝。

送浙東

集作西

周元範判官

前人

由來身集作自是煙霞客，早已聞名詩酒間。天闕因將賀表至，江城應集作鄉着賜衣還。常吟卷裏新集作相詞句，自話湖中集作邊舊住山。吳越主人皆集作偏愛重，多應不肯放君閑。

送友人盧處士遊吳越

前人

一作溫庭筠

羨君東去見殘梅，唯有王孫獨未回。吳苑夕陽明古堞，越

宮春草上高臺波生遠一作野水鴈初下風蒲驛樓潮欲來
試問一作逐漁舟看雪浪幾多江燕荇花開

送蜀客

前人

蜀客南行過碧溪木綿花發錦江西山橋日落人來集作晚行人
少時見猩猩上樹一作樹上啼

送入蜀客

前人

行盡青山見益州錦城樓下二江流杜家曾向此中住爲
到浣花溪上集作水頭

送東川馬逢侍御使迴十韻

元稹

風水荆門闊文章蜀地豪眼青賓禮重眉白衆情高思湧
曾吞筆投虛慣用刀詞鋒倚天劍學海駕雲濤南郡傳紗
帳東方讓錦袍旋吟新樂府便續古離騷雪岸猶封草春
江欲滿槽餞筵君置醴隨俗我鋪槽莫歎巴三峽休驚鬢

二毛流年等閑過人世各勞勞

送崔侍御之嶺南二十韻

前人

漢法戎施幕秦官郡置監蕭何歸舊印自江陵戶集鮑永

授新銜弊聘雖盈篋泥章未破緘蛛懸絲繚繞鵲報語詰

謫再礪神羊角重開憲簡函崔君前任御史擊纓驟赴赴綏珮

綉繆繆音衫逸翻憐鴻翥離心覺刃剗聯遊虧片玉洞照失

明鑒遙想車登嶺那無浹蒲衫茅蒸連蟒氣衣漬度梅黥

象鬪綠溪竹猿鳴帶雨杉颶風狂浩浩韶石峻嶻嶭宿浦

且深泊析瀧在至誠瘴江期集作乘早渡毒草莫親芟試蠱

看銀黑排腥貴食鹹菌須蟲已蠹果重鳥先鷗冰瑩懷貪

水霜漬顛痛巖珠璣當盡擲葦苴詎能護荆俗欺王粲吾

生問季咸遠書多不達勤爲枉檝檝

送王協律遊杭越十韻

前人

去去莫悽悽餘杭接會稽松門天竺寺花洞若耶溪浣渚
逢新艷蘭亭識舊題山經秦帝望壘辨越王棲一作江樹
春常早城樓月易低鏡呈集作湖面出集作雲疊海潮齊
章甫官人戴蓴絲姹女提長竿集作迎客開小市隔烟迷
紙亂紅藍壓甌凝碧玉泥荆南無底物來日為儂携

送王十一南行

前人

夏水漾天未晚暘依岸村風調烏尾勁春恋餘芳罇解袂
方瞬息征帆已翩翻江豚涌高浪楓樹搖去龜遠戍宗侶
泊暮烟洲渚昏離心詎幾許驟若移寒温此别信非久胡
為坐憂煩我留石難轉君泛雲無根萬里湖南月三聲山
上猿從茲耿幽夢夜夜相與元

文苑英華卷第二百七十七

登仕郎胡柯

鄉貢進士彭叔夏

校正

文苑英華卷第二百七十八

詩一百二十八

送行十三

白居易十二首

殷堯藩一首

姚合十二首

章孝標一首

施肩一首

袁不約一首

劉商六首

朱慶餘十首

賈島二十四首

洛下送牛相公出鎮淮南

白居易

北闕至東京風光十六程坐移丞相閣春入廣陵城紅旆
擁雙節白鬚無一莖萬人開路看百吏立班迎聞外君彌
重樽前我亦榮何須身自得將相是門生

元和初牛相公
應制策登第三

等
林
考
覆
官

送武士曹歸蜀士曹即武中丞兄 前人

花落鳥嚶嚶歸稱野情月宜秦嶺過

集作宿

春好蜀川

集作江

行江

集作鄉

路通雲棧郊扉近錦城烏臺陟岡老

集作送

人羨

別時榮

江西

集作西河

雨夜送客

前人

雲黑雨條條江昏水暗流有風催解纜無月伴登樓酒罷無多興帆開不少留唯看一點火遙認是行舟

送友人上峽赴東川辟命

前人

見說瞿唐峽斜橫

集作嶽

艷潏根難於尋鳥道險過上龍門

羊角風頭急桃花水色渾山迴若鼉轉舟入似鯨吞岸合

愁天斷波跳恐地翻憐君經此去爲感主人恩

送令狐相公赴太原

前人

六纛雙旌萬錢衣并汾舊路滿光輝青衫書記何年去紅旆將軍昨日歸詩作馬蹏隨筆走獵酣鷹翅伴能飛北都

莫作多時計再爲蒼生入紫微

送令狐尚書赴東都留守

前人

翠華黃屋未東巡碧落青嵩付大臣地稱高情多水竹山宜閑望少風塵龍門即擬爲遊客金谷先憑作主人歌酒家家花處處莫空管領上陽春

送徐州高僕射赴鎮

前人

仗

集作大

紅旆引碧油

集作幢

旌新拜將軍指點行戰將易求

何足貴書生難得始堪榮離筵歌舞花叢散候騎刀槍雪隊迎應笑蹉跎白頭尹風塵唯管洛陽城

送蘄春李十九使君赴郡

前人

可憐官職好文詞五十專城未是遲曉日鏡前無白髮春風門外有紅旗郡中何處堪携酒席上誰人解和詩唯共交親開口笑知君不及洛陽時

送河南尹馮學士赴任

前人

石渠金谷中間路軒騎翩翩十日程清洛飲水添苦節碧

嵩看雪助高情謾誇河北操旄鉞莫羨江南擁旆旌

時新除二

鎮節何似府寮京令外別教三十六峰迎

送唐州崔使君侍親赴任

前人

連持使節歷專城獨賀崔侯最慶榮烏府一拋霜簡去朱

輪四從板輿行即中從殿中連典發時正許沙鷗送到日

方乘兼集作行馬迎唯慮郡齋賓友少集作盃春酒共誰傾

送陝州王司馬赴任

前人

陝州司馬去何如養病集作資貧兩有餘公事閑忙同少

尹俸錢多少敵尚書只携美酒為行伴集作作新詩趣

下車自得集作鐵牛無詠者料君投刃必應虛

送客

前人

病上籃輿相送來衰容秋思兩悠悠哉涼風嫋嫋吹槐子却
請行人勸一杯

送客遊吳

殷堯藩

吳國水中央波濤白渺茫衣逢梅雨漬船入稻花香海

戍通鹽竈山村帶蜜房欲知蘇小小君試到錢塘

送別賈島

姚合

懶作歸鄉客集作住山人官家月負身書多筆集作漸重卧

少枕長新野客狂無過詩仙瘦始其秋風千里去誰與我

相親

送任畹及第歸蜀

前人

子規啼欲死君聽固無愁闕下聲名出鄉中意氣游東川

橫劍閣南斗近刀州神聖題橋集作字千人看不休

送饒州張使君

前人

鄱陽勝事聞難比千里連連是稻畦山寺去時通水路郡圖
開處是詩題化行應免農人困庭靜唯多野鶴栖飲罷春
朋門外別蕭條驛路夕陽低

送徐員外赴河中從事

前人

赤府從軍美儒衣結束輕涼颺下山寺晚浪蒲關城閑坐

生集作詩景高眠散酒醒集作長將軍呈集作戰術計日

立功名

送巢縣裴明府

前人

見說為官處煙霞思不窮夜猿啼戶外瀑水落厨中名藥
人難識仙山路盡集作通還施清集作還淨化誰復與君

同

送王澹

前人

常看集作為官處門前數樹松尋山屐費藍書石筆無鋒

果熟猿偷亂花繁鳥語重今來為客去借集作取最高峰

送王集作秘書遊魏川集作

前人

太行山下路荆棘昨來平一自開元後至今通集作今客

行地形吞北虜人事接東京掃灑埃塵集作靜遊從氣味

生菊門春不艷淇水暖還清看野風情遠綠花酒病成官

閑身自在詩逸語縱橫集作詩好車馬迴應晚煙光蒲

去程

送陳彤之集作江陵從事

前人

荆州勝事衆家集作聞幕下今朝又得君才子何須守集作

科第男兒終久要功勳江村竹樹多於草山路塵埃伴是雲

新什定知饒景思不應一向賦從軍

送源中丞使新羅

前人

赤墀賜對使殊方官重霜臺紫綬光玉節在船清海恠金

函開詔撫集作拜夷王雲晴漸覺山川異風便寧知道路長
誰得似君將雨露海東萬里灑扶桑

送張宗原

前人

東門送客道春色如死灰一客失意行十客顏色迴文粹作休住
者既無家去者又非歸窮愁一成疾百藥不可治子賢我
且愚命分不合齊誰開蹇躓門日日同遊栖子行河所切
集作之所切集作切切食與衣誰能買仁義令子無寒飢野田不
生草四向生路歧士人甚商賈終日須東西鴻鴈春北去
秋風復南飛勉君向前路無失相見期

送任畹評事赴沂海

前人

擲筆不作尉戎衣從嫖姚嚴冬都門牒馬氣益豪沂州
古鎮雄士勇旌旗高路東無憂虞半夜開虎牢丈夫貴功
勛不貴爵祿饒仰眠作書生衣食何由銷任生非常才臨

事膽不挫必當展長畫逆波斬鯨鼈九陌塵土黑話別立
遠郊孟堅勒燕然豈獨在漢朝

送李餘及弟歸蜀

前人

蜀山高岵蜀客無平才日飲錦江水文章盈其懷十年
作貢賓九年多遭迴春來登高科升天得梯階手持冬集
書還家獻庭闈人生此為榮得如君者稀李白蜀道難羞
為無成歸子今稱意行所歷安覺危與子久相從今朝忽
乖離風飄海中船會合難自期長安米價高伊我常渴飢
慎其道急若食與衣苦爇疑作道路亦疑作行人念前馳
一杯可輕遠別方自茲

送饒州張蒙使君赴任

章孝標

饒陽因畱得州名不獨農桑別有營日暖持集作提筐依茗

樹天陰把火入銀坑江寒魚動槍旗影山晚集作雲和鼓角
聲太守能詩兼愛靜西樓見月幾篇成

送人集作南遊

施肩吾

見說南行集作偏不湯中途莫忘寄書頰空瘴氣侵飛
鳥解語山魃惱病人聞縣綠娥能引客泉州烏藥好集作
防身異花奇竹分明看待汝歸來畫集作取其

送人至嶺南

袁不約

廣嶺春風暖花多不識名瘴煙迷月色巴路傍溪聲畏藥
試防蛟避水行知君憐酒興莫殺醉猩猩

送廬州賈使君拜命

劉高

考績朝稱貴時清武用文二天移外府三命佐元勳佩玉
兼高位擬金闕上軍威容冠是鐵圖畫閣名芒人詠甘棠茂
童謠竹馬羣懸旌風蕭蕭臥轍淚紛紛特達恩難報昇

沉路易分侯羸不得從心逐信陵君

送林衮侍御東陽秩滿赴上郡

前人

幾年鳥府內何處逐鳧歸關吏迷驄馬銅章累繡衣野人
山草綠客路柳花飛沉復長安遠音書從此稀

送楊閑侍御拜命赴上郡

前人

賀客移星使絲綸出紫微手中霜作簡身上繡為衣驄馬
朝天疾烏臺向日飛親逢皆避路不是送人稀

送李元規昆季赴舉

前人

見誦甘泉賦心期折桂歸鳳鷄皆五色鴻漸又雙飛別思
看衰柳秋風動客衣明朝問禮處斲覺鴈行稀

送人之江東

前人

含香仍珮玉宜入鏡中行盡室隨乘輿扁舟不計程渡江
霖雨霽對月夜潮生莫慮當炎暑稽山水木清

滑州送人先歸

前人

河水冰消鴈北飛，寒衣未足又春衣。白憐漂蕩經年客，送別千迴獨未歸。

送壁州劉使君

朱慶餘

王府登朝後，巴鄉典郡新。江分入峽路，山見採鞭人。舊業孤城夢，生祠幾處身。知君素清儉，料得却來貧。

送盛隨軍

前人

莫辭東路遠，此別豈關行。職處中軍要，官兼上佐榮。野亭嵐色暗，秋水藕花明。拜省期將近，孤舟促去程。

送常校書赴靈州幕

前人

共知行處樂，猶惜此時分。職已為書記，官曾校典墳。寒城初落葉，高樹晚集作遠生雲。邊事何須問，深謀祇在君。

送崔秀才遊江陵

前人

樽前荆楚客，雲外思縈迴。秦野春已盡，商山花正開。鷗鷺帆乍起，江見雨初來。自有歸期在，蟬聲處處催。

送淮陰丁明府

前人

之官未入境，已有愛人心。遣吏迴中路，停船集作車對遠林。鳥聲淮浪靜，雨色集作氣稻苗深。暇日公門掩，惟應伴客吟。

送常繇校書赴浙東幕

前人

丞相辟書新，秋關獨去人。官離芒閣早，名占甲科頻。水驛迎船火，山城候吏塵。湖邊寄家去，到日倍榮親。

送饒州張使君

前人

白頭為郡清秋別，山水南行豈覺賒。楚老已集作只應思入

境，吳門從此去。移家館依高嶺，分樟葉路出重江。見葦花務退，唯當吟詠苦留心。曾不在天集作生涯。

送邵州林使君

前人

軒車此去也逢時地屬湘南頗入詩一月計程那是遠中
年出守未爲遲水邊花氣薰章服嶺上嵐光濕畫旗想得
化行風土變州人應爲立生祠

送劉思復南海從軍

前人

七千里別寧無恨且貴從軍樂事多不駐節旄先候發偶
逢山寺亦難過蠻人猶放畚田火海獸羣遊落日波遠作受
恩身不易莫拋書劍近笙歌

送浙東周巡判官

前人

久聞從事滄江外誰謂無官已白頭來備戎裝嘶數騎去
持丹詔入孤舟蟬鳴驛樹集作遠驛殘陽遠集作樹鷺起潮由集作夕片

雨秋到日重陪丞相宴鏡湖新月在城樓

送殷侍御赴同州

前島

馮翊蒲西郡沙岡擁地形中條全離岳清渭半和涇夜久

眠明月秋新

集作深

至洞庭由來交臂者

集作辟土

事事

集作事別

偃

林高

送皇甫侍御

前人

曉鍾催早朝獨自赴嘉招舟泊襄江閣田收楚澤遙鴈驚
起衰草猿渴下寒條來使黔南日時應問寂寥

送陳判官赴天德

前人

將軍邀入幕束帶便離家身暖蕉衣窄天寒磧日斜火燒
岡斷草風卷雪飀沙絲竹豐州有春來祗欠花

送唐瓌歸敷水莊

前人

毛女峯當戶日高頭未梳地侵山影掃葉帶露痕書松迳
僧尋藥沙泉鶴見魚一川人境別集作景好恨不有吾廬

送裴校書

前人

拜官從祕省署職在藩維多故長踈索高秋遠別離天寒

泗上醉夜靜岳陽暮使府臨南海帆飛到不遲

送杜秀才東遊

前人

東遊誰見待盡室寄長安別夜葉頻落登途集作程山已寒大

河風色渡曠野燒煙殘匣有青銅鏡時將照鬢看

送人南歸

前人

分手向天涯迢迢泛海波雖然南地遠見說北人多山暖
花常發秋深鴈不過炎方饒勝事此去莫蹉跎

送入南遊

前人

此別天涯遠孤舟泛海中夜行常認火帆去每因風鬪國人
多富炎方語不同鴈飛難度嶺書信若為通

送鄒明府遊靈武

前人

曾宰西畿縣三年馬不肥債多憑劍與官滿載書歸邊雪
藏行迳林風透臥衣靈州聽晚角客館未開扉

送朱可久歸越中

前人

石頭城下泊北固暝鍾初汀鷺潮衝起船牕月過虛吳山侵
越衆隨柳入唐疎日欲躬調膳辟來何府書

送崔定

前人

未知遊子意何不避炎蒸幾日到漢水新蟬鳴杜陵秋江
待得月夜話集作語恨無僧巴峽吟過否連天十二層

送姚杭州

前人

白雲峯下城日夕白雲生人釣魚江老集作人老集作田侵海樹耕
吳山鍾入越蓮葉吹搖旌詩異石門思濤來閣上集作越集作迎

送黃知新歸安南

前人

池亭沉飲偏非獨曲江花地遠路穿海春歸冬到家火山
難下雪瘴土不生茶知決秋集作來計相逢期尚賒

送田卓入華山

前人

幽深足暮蟬驚覺石床眠瀑布五千仞草堂瀑布邊檀松
涓滴露嶽月沈寥天鶴過君須看工頭應有仙

送人適越

前人

高城滿夕陽何事欲沾裳遷客蓬蒿暮遊人道路長晴湖
勝鏡碧寒柳似金黃若有想思夢殷勤載八行

送饒州張使君

前人

終南雲雨連城闕去路西江白浪頭滌上郡齋離昨日鄱陽
農事勸今秋道心生向前朝寺文思來因靜夜樓借問泊

帆干謁者誰人曾聽峽猿愁

送陝府王建司馬

前人

司馬雖然聽曉鍾尚猶高枕恣踈慵請詩僧過三門水賣藥人
歸五老峯移妨綠萍深處息登樓涼夜此時逢杜陵惆悵

臨相餞未寢月前多履

集作履

送羅少府歸牛渚

前人

作尉長安三月罷

集作始三月

忽思牛渚夢天台楚山遠色獨歸

去灞水空流相送迴霜覆鶴身松子落日分螢影石房

開白雲多處應頻到寒澗泠泠澗

集作

古苔

送沈秀才下第東歸

前人

曲言惡者誰悅耳如彈絲直言好者誰刺耳如長錐沈生
才俊秀心腸無邪欺君子忌苟合擇交如求師毀出嫉夫

口騰入禮部闈下第子不耻遺才人耻之東歸家堂遠掉

轡時參差浙雲近吳見汴柳接楚垂明年春光別迴首不

復疑

送周判官元範赴越

前人

原下相逢便別離蟬鳴關路使迴時過淮漸有懸帆興到

越應將墜葉期城上秋山生菊早驛西寒渡落潮遲已曾
幾徧隨旌旆去謁荒郊涼集作大禹祠

送陳商

前人

古道長荆棘新歧路交橫君於荒榛中尋得古轍行足路
聖人路貌端禪士形我曾接夜談似聽講一經聯翻曾數
舉昨登高第名釜底絕煙火曉行皇帝京上客遠府遊主
人須目明青雲別青山何日復同并

送張校書季

前人

從京去客州馬在船上多容州幾千里直傍青天涯掌記
試校書未稱高詞華義枉不可屈出家如出家城市七月
初熱與夏未差餞君到野地秋涼蒲山坡南境異北候風
起無塵沙秦吟宿楚澤海酒落桂花暫醉即還醒彼土生
桂茶

送汲鵬

前人

淮南卧理後復逢君姓汲文彩非尋常志願期卓立深江
東泛舟夕陽眺原隰夏夜言詩會往往追不及

送集文上人遊方前人

來從道陵井去求溪邊會分首芳草時遠意青天外此遊
詣幾嶽嵩華衡恒泰

文苑英華卷第二百七十八

登仕郎胡柯 鄉貢進士彭叔夏 校正

文苑英華卷第二百七十九

詩一百二十九

送行十四

厲玄二首

劉三復一首

釋無可十七首

劉得仁十五首

于武陵二首

周賀十三首

溫庭筠十二首

紀唐夫一首

李羣玉二首

張祐九首

陳陶四首

送顧非熊及弟歸茅山

厲玄

故山登第去不似舊歸難
帆卷江初夜梅生洞少寒
採薇留客飯折竹掃仙壇
名在議曹籍何人肯挂冠

送黃暉明府岳州湘陰赴任

前人

恩霑譴雪幾人同歸宰相陰
六月中商嶺馬嘶殘暑雨席

帆高掛早秋風貢名頗向書闈失飛檄曾傳朔漠空西省
尚嗟君官遠水鷄啼處莫聽鴻

同前

劉復三

擬占名場第一科龍門十上困風波三年護塞從戎遠萬
里投荒失意多花縣到時銅墨貴葉舟行處水雲和遙知
布惠蘇民後應向祠堂弔汨羅

送姚中丞赴陝西

釋無可

二陝周分地恩除左掖臣門闌開幕重槍甲下天新夾道
行霜騎迎風蒲草人河流銀漢水城賽鐵牛神意氣思高
謝依違許上陳何妨向紅旆自與白雲親

以下十七篇
並見集本

送李使君赴瓊州兼五州招討使

前人

分竹惟兼使南方到海行臨門雙旆引隔嶺五州迎猿鶴
同枝宿蘭蕉夾道生雲垂前騎失山谿去帆輕雨霧蒸秋

岸潮濤震夜城政閑開迴閣欹枕曷風清

送呂郎中赴海州

前人

出守滄州去西風送旆旌路遙經集作過幾郡地盡到孤城
拜廟千出綠登集作開樓遍海晴何人共東望月向積濤生

夏日送田中丞赴蔡州

前人

出守海南城應多戀闕情地遙人久望風起旆初行楚廟
繁蟬斷淮田細雨生賞心知有處蔣宅古津平海南文玄集
作次南

送薛重中丞充太元副使

前人

中司華省外集作出
華省副相晉陽行書答備州啓籌叅上將
營路沙寒馬細收集作吹雨曉笳清正報胡塵滅桃花汾水生

送靈武李侍御

靈州天一涯幕客似還家地得江南壤程分磧裏砂鹽調

上味貢

集作禁
調上味

麥穗集作
貢麥

結秋花前席因籌畫清吟塞

日斜

冬夜姚侍御宅送李廓少府

前人

王事圭峯下將還禁漏餘
偶勸新歲近惜別後期疎
雪罷見來吏川昏聊整車
獨吟多暇日應寄栢臺書

送喻鳧及第歸陽羨

前人

姓字載科名無過子最榮
宗中初及第江上觀難无
月向波濤沒茶連銅壘生
石橋高思在且為看東坑

送人罷舉東遊

前人

東堂今已負復此遠行難
兼雨風聲過連天草色乾
鴻嘶荒壘閉兵燒廣川寒
若向龍門宿懸知拭淚看

送姚明府赴招義縣

前人

濠梁古縣城結束赴王程
道路携家去波濤隔月行
車臨芳草下吏路落花迎
暮郭山遥在春州鳥不驚
風煙譙國

遠桑柘楚田平何以書能化
長淮澈海清

送沅江宋明府即開府璿之孫

前人

初聞從事日鄂渚動芳菲
一遂鈞集作衡薦今為長吏

歸人臨沅水望鴈映楚山
飛唯有傳聲政家風重發揮

送宜春裴明府是將軍旻之孫

前人

垂白方為縣徒集作知太父
雒山春南去掉棹楚夜下飛鴻

豐嶂和雲滅孤城與嶺通
誰知特惠化一境動清集作風

送李少府之臨邛

前人

邛南方作尉調補一何卑
發論唯公幹承家乃帝枝
山長風裊棧江蔭石和澌
舊并王孫宅過尋獨有期

送王集作明府之任安福

前人

落絮蒲衣裳携琴問水鄉
掛帆南入楚到縣半浮湘
吏散翠禽下庭閑斑竹長
人安知遠泛沙上蕙蘭芳

夏日送崔秀才

前人

南方山水地念子為貪遊縱是逢佳境那能緩旅愁夕陽
行遠道煩暑在孤舟莫向巴江過猿啼聲集作聲但淚流

送杜司馬再遊蜀中

前人

為客應非願愁成欲別時還遊蜀國去不惜杜陵期劔水
啼猿在關林轉棧遲日光低峽口雨勢出峨眉川迴遲集作

山迴殘角山集作雲開識遠夷勿令雙鬢髮併向錦衰

送薛秀才遊河中兼投任郎中留後 前人

詩苦賦縱橫令人畏後生駕言遊禹跡知己在蒲城月集作日射

雲昏疑散風吹草木榮孤吟臨冠境莫欲請長纓

送鄂州崔大夫赴鎮 劉得仁

廉問帝難人朝廷輟重臣入山初有雪登路正無塵去國
鳴騶緩經雲住旆頻千峯與萬木親聽兩情新

送錢給事赴虢州

前人

帝心憂虢俗暫輟掖集作諫垣臣疲瘵初承制鄉閭似得春

化成應有瑞位重轉聞貧用作鹽梅日爭迴卧轍人

送雍陶侍御赴兗州裴尚書命一作碎侍御時在裴

前人

綸閣知孤直翻論北巷賢且縻蓮府幕集作幕裏會致玉階前朱

泗秋微動龜蒙月正圓元戎軍務息清句待集作遲君聯

送姚舍郎中赴任杭州 前人

水陸中分程看花一月行會稽山隔浪天竺樹連城候吏
賚魚印迎船載旆旌渡江春始半嶼嶼草初生

送新羅人歸本國 前人

雞林隔臣浸一往一年行日近國先曙風吹海不平眼穿
鄉井樹頭白渺瀰程到彼星霜換集作變唐家語却生

送靈武朱書記

前人

靈帥與誰善得君賓幕中從容應盡禮贊畫致元集作殊

功連虜雲長慘纜秋樹半空相如偏自愜掌記復乘驄

早春送湘潭李少府之任

前人

柳新春水湄春岸草離離祖席酒忽盡集作席酒愁言盡行人淚

自垂業文專不久集作作尉豈多時公退琴堂上風吹集作來

斑竹枝

送越客歸

前人

霜薄東南地江楓落未齊衆山秋楚上孤棹宿吳西渚客

留僧語檻猿失子啼到家冬即是荷盡若耶溪

送河池李明府之任

前人

河池安所理種柳與彈琴自合清時化仍資白首吟程餘

行片月公退入遙林想得除民瘼長施父母心

送車壽

集作壽

罷舉歸生

前人

朝是暮還非人情冷暖移浮生只如此強進欲何為要路

知無援深山必遇師憐君明厥集作此理休去不遲疑

送蔡京侍御赴大梁幕

集作碑

前人

同城各多故會面亦稀踈及道須相別臨歧恨有餘梁園

飛楚鳥汴水走淮魚衆說集作畫計裁軍檄陳琳遠不如

送王書記歸邠州

前人

陳琳輕一別上馬意超然來日行煩暑歸時聽早蟬陰雲

翳城郭細雨紊山川從事公劉地元戎舊禮賢

送謝觀之劔南從事

前人

迢遞從知己他人敢便言離京雖未臘到府已應暄飛急

牽行鴈啼酸憶子猿江山無限思君擬若誰論

送周越往江夏

前人

東西南北郡自說遍曾遊人世終多故集作皇都不少留
郢城帆過夜漢水月集作漢月水方秋此謁親知去集作後聞猿空
有集作豈解愁

送顧非熊作尉盱眙

前人

一名兼一尉未足是君伸歷數為詩者多來作諫臣路翻
平楚鳥草帶古淮薪天下雖云大同人有幾人

送客陳歸

于武陵

一聽遊子歌秋計覺蹉跎四海少平路百川無定波共驚
年已暮俱向客中多又駕征輪去東歸將若何

送鄧縣董明府之任

前任

南北行已久憐君知苦辛萬家同草木三載返賜春東道
聽遊子夷門歌主人空持語相送應恠不沾巾

送唐紹歸建業

周賀

南朝秋色蒲君去思如何帝業空城在民田壞塚多月圓
臺獨上粟綻寺頻過籬下西江闊相思見白波

送客見二百六十一卷

前人

送陸判官防秋

前人

疋馬無窮地三年逐大軍筭程淮色遠一作淮色起帳夕陽曛
瀑水行時漱邊笳語次聞要傳詩一作書禮去應到磧一作東雲

送從兄南遊

前人

山水疊層吾兄涉復集作又集作登挂帆春背鴈尋聲夜逢僧雪
溜懸衡岳集作崑崙江雲蓋秣陵評文來集作永集作不忘此說是中與

長安送鄉人

前人

上國多離別年年渭水濱空將未歸意欲說向行人兩度
池塘草山連井邑春臨歧惜分手日暮一沾巾

送楊嶽歸巴春

前人

何處得鄉信告行當雨天人離京口日潮入一作岳陽船孤
鳥皆林秋一作色遠帆開浦煙悲君唯此別不肯話週年

送張洸隱之睦州

前人

遙憶新安舊扁舟往復還淺深看水石來往逐雲山到縣
餘花在過門五柳閑東征隨子去俱隱薜蘿間

送省已上人歸太原

前人

惜別聽邊漏窓燈落盡重寒僧回絕塞夕雪下窮冬出定
聞殘角休兵見壞鋒何年更來此老却倚堦松

送朱慶餘

前人

野客行無定全家在浦東寄眠僧閣靜贈別橐全空舊里千
山隔歸舟百計同藥資如有分相約老吳中

送友人

前人

彈琴多去情浮檝背朝行人望豐孺宿蟲依蠹木鳴檣煙

浦色蘆兩人船聲如疾登雲路憑君寄此生

送石協律歸吳

前人

僧窓夢後憶歸耕水涉應多半月程幕府罷來無藥價沙
中載去有山情夜隨靜渚離蛩語早過寒潮背井行已讓
辟書稱抱疾滄洲便許自髡生

送韓評事

前人

門沈平集作重湖秋景好水雲松色遠相依罷官餘俸租田
種送客迴船載石歸離岸游魚逢浪退望巢寒鳥逆風飛

嵩陽舊業集作隱多時別閑月行吟入翠微

送郭秀才歸金陵

前人

夏後客堂黃葉多又懷家國起悲歌酒前欲別語難盡雲
際相思心若何鳥下獨山秋寺磬人隨大舸晚江波南徐
舊業幾時到門掩殘陽積翠蘿

送入遊淮海

温庭筠

背牆燈色暗宿客夢初成
半夜竹窗雨蒲池荷葉聲
簾涼秋閣思木落故山情
明發又愁起桂花溪水清

送渤海王子歸本國

前人

疆理雖重海車書本一家
盛勳歸舊國佳句在中華
定界分秋漲開帆到曙霞
九門風月好迴首是天涯

送人東遊

前人

荒戍落黃葉浩然離故關
高風漢陽渡初日郢門山
江上幾人在天涯孤棹還
何當重相見罇酒尉離顏

送洛南尉之官

集作李
主簿

前人

相居秦塞外因見遠
集作應山青樹葉曉迷路
枳花春滿庭祿優仍待
膳官散得專經余亦還
愚谷歸心在羣屏

送北陽袁明府

前人

楚鄉千里路君去及良晨
葦浦迎船火茶山猴吏塵
桑濃蠶臥晚麥秀雉聲
春莫作東籬興青雲有故人

送李生歸舊居

前人

一從征戍後故社幾人歸
薄官離山久高談與世稀
夕陽當板檻春日入柴扉
莫嚴灘意西溪有釣磯

送淮陰縣令

前人

隋堤楊柳煙孤棹正悠然
蕭寺通淮戍蕪城枕楚田
魚鹽橋上市燈火雨中船
故老青葢岸先知必子賢

早春瀆水送友人

前人

青門煙野外渡瀆送行人
鴨臥溪沙暖鳩社樹春殘
波青有石幽草綠無塵
楊柳東風裏相看淚滿中

送襄州李中丞赴從事

前人

漢庭文彩有相如天子通
宵受子虛把釣看碁高興
盡撲

香起草官情踈楚山重疊當歸路溪日分明到直廬江雨
蕭蕭帆一片此行誰道為鱸魚

送崔判官

集作即中

前入

一別黔南

集作

似斷絃故交東去更潛

集作

然心遊目斷

集送

作 三千里雨散雲飛二十年發跡豈勞天上桂屬詞還得

幕中蓮相思莫道

集作

長安遠江月隨人處處圓

西江上送漁父

前入

却逐嚴光向若耶釣輪菱棹寄年華三秋梅雨愁楓葉一夜
蓬舟宿葦花不見水雲應有夢偶隨烟鳥便成家白蘋風起樓
船暮江燕雙雙正雨斜

送李億東歸

六言

前入

黃山遠偶秦樹紫禁斜通渭城別路青青柳弱前溪漠漠蒼
生和風澹蕩歸客落日殷勤早鶯灞上金罇未飲燕歌

已有餘聲

送溫庭筠尉方城

紀唐天

何事明時泣玉頰長安不見杏園春鳳皇詔下雖沾命鸚
鵡才高却累身但飲綠醞銷積恨莫辭黃綬拂行塵方城
若比長沙遠猶千山與萬津

送陶少府赴選

李羣玉

陶公官興本蕭疎長傍青山碧水居久向三茅窮藝術仍
傳五柳舊琴書跡同飛鳥栖高樹心似閑雲在太虛自是
葛洪求藥價不關梅福戀簪裾

送于少監自廣州還紫邏

鳴臯山水似麻源謝監東還憶舊

集作

園海嶠煙霞輪

集作

免翰洛川花木待迴軒官情薄去詩千首世事閑來酒一
樽明日途中見顏范始應通籍入金門

送王昌涉侍御

張祐

十里指東平軍前首出征諸侯青眼用御史紫衣榮入陣
梟心死分集作圍虎力生畫時安楚塞刻集作日下齊城
號令朝移幕偷蹤夜斫營雲梯曾險上地道慣添行舉旆
招降將投戈趨敗兵自慙居虜者當此立功名

送劉崇德尉睦州建德縣

前人

一命前途遠雙曹公邑閑夜潮人到郭春霧鳥啼山淺瀨
橫沙堰高崑峻石班不堪曾倚棹猶復夢昇攀

送蘇紹之歸嶺南

前人

孤舟越客吟萬里曠離襟集作夜月江流闊春風嶺路深
珠繁楊氏果羣耀孔家禽無復天南夢相思空樹林

送韋正字

集作

赴制科

前人

可愛漢文年鴻恩蕩海壩木雞方備德金馬正求賢大戰

希遊刃長途在着鞭佇聞晁董策備集作便集作向史中傳

送楊秀才遊蜀

前人

鄂渚逢遊客瞿唐上去船峽深明月夜江淨集作靜集作碧雲天
舊俗巴歛舞離情集作新聲集作蜀國絃不堪揮慘恨一涕自潸然

送沈下賢謫尉南康

前人

秋風江上草先是客心摧萬里故人去一行新鴈來山高
雲緒斷浦迴日波頽莫恠南康遠相思不可裁

送徐彥夫南遷

前人

萬里客南遷孤城漲海邊瘴雲秋不斷陰火夜然長月上
行虛市風迴皇舶船知君還自繫更為酌貪泉

送常整尉長沙

前人

遠遠長沙去憐君利一官風帆彭蠡疾雲水洞庭寬木客
提蔬束江鳥接飯九莫言卑濕地未必乏新歡

送李長史歸涪州

前人

涪江江上客歲晚却還鄉暮過高唐雨秋經巫峽霜急灘
船失次疊嶂樹無行好為題新什知君思不常

南海送帝七使君赴象州任

陳陶

一鷄常公子新恩領郡符島夷通荔浦龍節過蒼梧地理
金城近天涯玉樹孤聖朝朱紱貴從此展雄圖

送沈次魯南遊

前人

高臺贈君別滿握軒轅風落日一揮手金鵝雲雨空鰲洲
石梁外劍浦羅浮東茲興不可接修煙際鴻脩

送江西周尚書赴滑臺

前人

楚謠襦袴整三千喉舌新恩下九天天^疑角雄都分節鉞蛟
龍舊國罷樓船崑河已在兵鈴內棠樹空留鶴嶺前多病
無因酬一顧駟陵千騎去翩翩

閩中送畹任端公還京

前人

燕臺上^{一作}下^{一作}榻玉為人月桂曾輸次第春幾日酬恩座炎
瘴九秋高駕拂星辰漢庭鳳進鷓行喜隨國珠還水府貧
多少嘉謀奏風俗斗牛孤劍在平津

文苑英華卷第二百七十九

登仕郎胡柯

鄉貢進士彭叔夏 校正

文苑英華卷第二百八十

詩一百三十八

送行十五

方干二十一首

李洞十一首

杜牧七首

許渾二十八首

雍陶四首

送姚合負外赴金州

方干

受詔從華省開旗發帝州野煙新驛曙殘照古山秋樹勢
連巴沒江聲入楚流唯應化行後吟句上閑樓

以下二十一一篇並見集本

送江陰霍明府之任

前人

遙遙去船新浸郭蒿兼蘋樹列巢灘鶴鄉多釣浦入虹分
陽羨雨浪隔廣陵春知竟三年袂琴書外是貧

送人之日本

前人

蒼茫大荒外風教即難知連夜揚帆去經年到岸逢波濤吞
集作左界星斗正東夷集作定或有歸風便當為相
見期

別喻鳧先輩

前人

知心似古人歲久分彌親離別波濤闊留連槐柳新武陵
開陵集作寒臺貫酒漁浦夜垂綸若集作此星居後音書豈獸頰

送相里燭

前人

相逢未作期此送欲集作送定何之不得長年少那堪遠別離
泛湖乘月早踐雪過山遲永望多時立翻如在夢思

送從元常部

前人

道路本無限更集作又集作應何處逢流年莫虛擲華髮不相容
野渡波搖月寒集作空城雨翳鍾此心隨去馬迢遞過千峯

送許渾

前人

壯歲分爾切髻年心正集作即集作同當聞千里去難遣一樽空
翳燭兼葭雨吹帆橘柚風明年見親族冬集作盡集作集在懷中

寄朱持

前人

登車誤相遠談笑亦何因路入蕭湘樹書隨巴蜀人斂衣
寒犯雪傾篋病看春莫貴集作負集作髻年去集作志清朝有獻臣

送趙明府還北

前人

故林終不住劍鶴在扁舟盡室無餘俸還家得白頭鍾催
吳岫晚月照渭河流曾是棲安邑恩期異日酬

送鄭端公

前人

聖主佇知宣室事豈容才子滯長沙隨珠此去方酬德朝
壁前時悞指瑕驄馬將離江浦月繡衣却照錦林集作花
應憐寂寞滄洲客霄壤集作煙漢塵泥相去賒

送睦州侯即中赴闕

前人

昔著政聲聞國外今留儒術化江東青雲舊路歸仙掖白雪新詞入聖聰絃筦未知銀燭曉旌旗已待錦帆風郡人誰集作議酬恩德德徧在三年禮遇中

送永嘉王明府之任二首

前人

定擬牧牧化海樞須判素髮悔流年波濤不應三集作溪水分野長如二月天浮客若容開荻地釣翁應免稅苔田前賢未必全堪學莫讀當時歸去篇

二

雖展縣圖如到縣王程猶入縉雲東山間閣道盤花集作底海界孤村集作在浪中禮法未聞離漢制土宜多說似

吳風字人若用非常術唯要旬時便立功

送婺州許錄事

前人

之官便是還鄉路白日堂着錦衣八詠遺風資逸興 二

溪寒色助清威曙星沒盡提綱去暝角吹殘鎖印歸笑我中年更愚癡醉醒多在釣魚磯

送錢特卿赴職天台

前人

路入仙溪氣象清垂鞭樹石罅中行霧昏不見西陵岸風急先聞瀑布聲山下縣寮張樂送海邊津吏棹舟迎詩家弟子無多少唯只於余別有情

送杭州李負外

前人

政成何必集作蒲三年上界羣仙待謫仙便赴新恩歸紫禁還從舊路上青天笙歌愁集作咽當離席更漏丁東在畫船正殿集作駐班留立位前程一步集作是爐煙

送孫百篇遊天台

前人

東南去路落斜行入樹穿村見赤城遠近常聞集作皆藥氣高低無處不泉聲映巖月集作向牀頭沒濕燭雲從柱

底生更有仙花與靈草

集作鳥

恐君多半不

集作未知名

送人宰永泰

前人

北入雖泛南流水稱意南行莫恨賒道路先經毛竹嶺風

烟已

集作漸

近刺桐花舟停漁浦猶為客縣入樵溪似到家

送晉陵王少府赴選

集作舉

前人

相看不忍盡離觴五兩牽風速去檣遠驛新砧應弄月初
程殘角未吹霜越山直下分吳苑淮水橫流入楚鄉珍重
却家好兄弟明年祿位在何方

送李

集作陳

秀才將游雲上便議北歸

前人

婆娑恋酒山花盡繚繞還家水路通轉檝擬投
岸吹帆猶是白蘋風淮邊欲暝軍聲急洛下先寒苑樹空
詩句因余更孤峭盡題不令忘江東

送吳彥融赴舉

前人

用心精至自無疑千萬人中是爾
去全家便望集作待一枝歸西陵柳路桂鞭盡北固潮程桂
席飛想見明年榜前事當時分散着來衣

送曹郎中棄官南歸

特南中用軍

李洞

桂水清和天南歸似謫仙繫條輕象笏買布接蠻船海氣
蒸輦軟江風擘疑作箭偏罷郎吟亂里帝遠豈知賢

龍州送鄭郎中兼寄昌明鄭侍御

前人

待車登杏障經亂集鵠原省壞蘭飄葉臺空栢有根縣清
江入峽樓靜雪連村莫隱匡山社機雲受晉恩

送盧郎中赴金州

雲明漆嶺高刺郡鞍仙曹危棧窺猿頂公庭掃鶴毛出軍
明壁鐸話道白眉毫遠集歌謔客舟前泊幾艘

冬日送涼州刺史

前人

寵餞西門外雙旌出漢陵未辭金殿日已夢雪山燈地遠
終峰盡天寒朔氣凝新年行已到舊典聽難勝吏掃盤鵬
影人逸散馬來移軍一馱角下塞椽河水獵近崑崙獸吟
招磧石僧重輸右藏實方見左車能兵聚邊風急城寬夜
月澄連營烟火嶺望認幾迴登

送知己赴任華州

前人

東門罷相即此拜動京華落月開宵印初燈見早麻鶴身
紅袖拂仙掌白雲遮塞色侵三縣河聲聒兩衙松根醒客
酒蓮葉隱僧家一道帆飛直中筵嶽影針書銘尋雪石澄
鼎露金沙鎖合眠閑史盃空啄廟鴉分臺話嵩洛實雨拜
烟霞樹谷期招隱吟詩負柏茶

送東宮賈正字遊蜀

前人

南朝馱晉史蜀地曬已樓長棧懷宮相踈峰露劍州半空
飛雪化一道白雲流若次江邊邑宗詩為遍搜

送知己赴濮州

前人

中路行僧謁郵亭話海濤劍搖林狃落旗閃岳禽高苔長
空州獄花開夢省曹濮陽流正化一半布風騷

送人遊天台

山人鏡山集
作仙

前人

行李一條藤雲邊曉扣水丹經如不謬白髮若為能淺井
山人鏡明珠海客燈仍知真隱者笑就漢庭徵

送福州從事

前人

嶺泉齊鳥飛雨勢荔枝肥南斗看應近北人來甚稀湖浮
廉使宴珠照島僧歸幕下聞遷拜何官着茜衣

龍州送友人赴舉

翠迷集作
翠西

前人

獻策赴招携行宮積翠迷挈囊秋卷重轉棧曉峯齊踏

月候朝見拂雲看省題飛鳴肯迴顧獨鶴困江泥

送友罷舉赴邊職

前人

出剡篇章入雒文無人細讀嘆俱焚莫辭秉笏隨紅旆便
好携家住白雲過水象浮蛮境見隔江猿叫漢州聞高談
閩略陳從事盟誓邊庭壯我軍

送容州唐中丞赴鎮

杜牧

交趾同星座龍泉佩斗文燒香翠羽帳看舞鬱金裊鷓首
衝瀧浪犀渠拂嶺雲莫教銅柱北長集作說馬將軍

以下七篇並見集本

池州春日送前進士蒯希逸

前人

芳草復芳草斷腸還斷腸自然堪下淚何必更殘陽楚岸
千萬里燕鴻三兩行有家歸未得况舉別君觴

送劉秀才歸江陵

前人

綵服鮮華觀渚官鱸魚新熟別江東劉郎浦夜侵船月宋
玉亭春滿集作弄袖風落落精神終有立飄飄才思杳無窮
誰人世上為金口借取明時一薦雄

送國碁王逢

前人

王子紋楸一路饒最宜蒼雨竹簫簫羸形暗去春泉長猛
勢橫來野火燒守道還如周柱史鏖兵不羨霍嫖姚浮生
一作得年七十更萬日與爾期於局上銷

宣州送裴坦判官往舒州時牧欲赴官歸京

前人

日暖泥融雪半銷人行芳草馬聲驕九華山路雲遮岫集作
青青集作江村柳拂橋君意如鴻高的的我心懸旆正集作搖
搖同來不得同歸去故國逢春一寂寥

送李羣玉赴舉

前人

故人別來面如雪一榻拂雲秋影中玉白花紅三百首五

陵誰唱與春風

送人又云
寫言

前人

鴛鴦繡被集作
帳裏暖芙蓉遙想關山萬里重集作
低泣關
山幾萬里明

鏡半邊釵一股人集作
此生何處不相逢

許渾

送客江行
蕭蕭蘆荻花郢客獨辭家遠棹依山響危檣轉浦斜水寒
澄淺石潮落漲虛沙莫與征徒望鄉園去漸賒

以下二十八篇並見集本

送前綏氏常明府南遊

前人

酒闌橫劍歌日暮望閑河道直去官早家貧為客多山昏
函谷雨水落洞庭波莫盡遠遊與故園荒薜蘿

送客歸荆湘集作
楚

前人

莫言一罇酒集作
無辭
一杯酒平昔集作
昔日與君深秋色換歸鬢

光生別心桂花山廟冷楓樹水亭集作
樓陰此路千餘里應

勞楚客吟

送客歸南集作
蘭溪

前人

花下送君處集作
歸客路長應過秋暮隨江鳥宿寒共嶺猿愁
衆水喧巖集作
巖瀨羣峰抱戍集作
沈樓因君幾南望曾向北

中遊

笑山津送客歸峽中

前人

津亭多別離楊柳半無枝住接猿啼處行逢鴈過時江帆
望風急集作
颺帆急山月下樓遲此夕歸郭不眠人詎知

集作
宿煙波
還就西齋
勞勞思

送李公自淮楚之南昌集作
陵李少府

前人

高人亦未閑來往楚雲間劍在心應壯書窮鬢已班落帆
秋水寺驅馬夕陽山明日南昌尉空齋不集作
掩掩闌

送客集作懷江南同志

前人

南國去

集作別

經年雲晴波接天蒲深鷓鴣戲花暖鷓鴣眠

竹暗湘妃廟楓陰楚客船唯應洞庭月萬里共嬋娟

集作娟

娟

送從兄別駕歸蜀川

前人

從兄彥昭與桂陽令常伯達貞元中俱為千牛伯達官至王府長史長慶中非罪受譴前年會赦復故秩詔未及而已身歿從兄自蜀而南發旅櫬歸葬塗上既而西還因成十韻贈別

聞與湘南今童年侍玉墀家留秦塞曲官謫瘴溪涓道直
姦臣屏寃深聖主知逝川東去疾需澤不來遲青漢龍
去蒼山馬鬣移風悽聞笛處日慘罷琴時客路黃公廟鄉
關白帝祠已稱鸚鵡賦寧誦鶴鷄詩道書難遠長亭酒
重集作持當憑蜀江水萬里寄相思

送從兄歸隱藍溪

前人

名高猶素衣

一作氣高身不達

窮巷掩荆扉漸老故人少久貧豪

客稀塞雲橫劍望山月抱琴歸幾日藍溪醉藤花拂釣磯

一作莫遣藍溪路青苔滿釣磯

送人歸吳興

前人

綠水棹雲月洞庭歸路長春橋懸酒幔夜柵集茶檣若影
集作沉溪暖蘋花遶郭香應逢柳太守為說過瀟湘

送友人罷舉歸東海

前人

滄海天塹外何島是新羅舶主辭番遠暮僧入漢多海風
吹白鷗沙日曬紅螺此去知投筆須求利劍磨

送鄭秀才東歸憑達家書

前人

欲寄家書客未過閉門心遠洞庭波四隣花落清

集作兩巖花落葉

風急一逐葦荒秋

集作草荒春

雨多愁泛楚江吟浩渺憶歸吳

岫夢嗟峨貧居不問應知處溪上閑船繫綠蘿

送盧先輩自衡嶽歸集作赴復州嘉禮 前人

名振金閨步玉京暫留滄海見高情衆花盛集作盡處松千

尺羣鳥喧時鶴一聲朱閣簾涼初集作疎雨過碧溪船動早

潮生離心不異西江水直送歸集作征帆萬里行

送前東陽于明府由鄂渚歸故林 前人

結束征車換黑貂霸西風雨正瀟瀟茂陵久病書千卷彭

澤先集作切歸酒一瓢帆帶集作背夕陽溢水闊棹經秋月集作

滄海甌山遙殷勤爲謝南溪侶集作客白首螢窓未見招

送陸拾遺東歸 前人

獨振儒風遇盛時紫泥初降世人知封章報主非無意書

劍還家自有期秋寺卧雲移棹晚暮江乘月落帆遲東歸

自是緣清興莫比商山詠紫芝

送友人浙西任宰 集作送上元 前人

莫言名重懶驅雞六代江山碧海西日照蒹葭明楚塞烟

分楊柳暗集作見隨堤荒城樹繞集作暗沉書浦舊宅村集作花

連菴畫溪官滿定應集作知歸未得九重霄漢有丹梯

送王總下第歸丹陽 前人

秦橋集作樓西望楚天涯集作江繫馬春風酒一卮汴水月明

東下疾練塘花幾北來集作歸遲青山虛戀集作無安貧計

白髮集作黃應催獻賦時集作期爲寄家書報消息集作書

舊鄉集作居還有故人知

南樓送前李明府歸姑蘇 集作將歸姑蘇南 前人

無處登樓不繫情一憑集作瓶春酒醉高城漸綺羅綺見山

色繚駐筦絃聞水聲花落西亭添別夢柳陰南浦促歸程

前期迢遞今宵短更倚朱欄待月明

送薛洪南遊訪山習業

前人

姑蘇城外葉初凋，同上江樓更寂寥。
繞壁舊書塵漠漠，隔窗寒竹雨蕭蕭。
憐君別路隨秋鴈，盡我離觴任晚潮。
從此草玄應有處，白雲青草一相招。

送客自兩河歸江南

集作西河送客歸江南

前人

兩河度集作西河事已堪傷南客秋歸路，
更長臺畔古集作松悲魏帝苑邊修竹，
弟梁王山行露變茱萸，
色水宿風披集作菡萏香遙羨落帆逢舊友，
綠娥青鬢醉橫堂集作

與鄭秀才叔姪會送楊秀才昆仲東歸

前人

書劍功遲白髮新，異鄉仍送故鄉人。

阮公留我集作竹林

晚集作齋曉田氏到家荆，樹春雪盡塞鴻南翥，
少風來胡馬北

嘶頻洞庭煙月如終老，誰是長楊諫獵人。

押西人字疑有誤

送杜秀才歸桂林

集作往桂州

前人

桂林南去與誰同，處處山連水自通。
兩岸晚霞集作煙千里，草半帆殘日一江。
風瘴雨欲來，楓樹黑火雲初起，荔枝紅愁君路遠銷年月，莫滯三湘五嶺中。

送領南廬判官罷職歸華陰山居

前人

曾事劉琨鴈塞空，十年書劍似一作飄蓬。
東堂舊屈一作移山志，南國新留煮海功。
還掛一帆青草上，更開三徑碧蓮中。
閑西親友如相問，已許滄浪伴釣翁。

送武慶士歸章洪山居

前人

形影無羣消息沉，登聞集作門集作三繫疑。
血沾襟，皇綱一日開，冤氣青史千年重。
壯心却望烏臺春，樹老獨歸蝸舍暮。
雲深他時縱有徵書去，雪蒲空集作山不可尋。

吳門送振武李從事

前人

晚促離筵醉玉缸，伊州一曲淚雙雙。
欲携刀筆從新幕，更

宿煙霞別舊窓胡馬近秋侵紫塞吳帆乘月下清江嫖姚
若許傳書檄坐築三城看受降

送人之任邛州

前人

綠髮監州冊府歸還家樂事我先知羣童竹馬交迎日二
老蘭觴初見時黃卷新書芸委積青山舊路菊離披亭衢
自有橫飛勢便到西垣覘訓辭

與韓鄭二秀才同舟東下洛中親朋集作友送至

景雲寺

前人

三十六峯同集作橫一川綠波無路草芊芊牛晚羊食鋪平

地鷗鷗晴飛磨遠天洛客盡回臨水寺楚人皆逐下江船

東西未有相逢日更競集作把繁花共醉眠

凌歊臺送常秀才

前人

雲起高臺日未沉數村殘照半巖一作巖陰野蠶成繭桑柘

盡山集作溪鳥引雛蒲稗深帆勢依依投極浦鐘聲杳杳隔

前林故山迢遞故人去一夜月明千里心

送徐使君赴岳州

雍陶

渺渺楚江上風旗搖去舟馬歸雲夢晚猿叫洞庭秋別思

滄南渡鄉心生北樓巴陵山水却應集作編稱謝公遊以下四篇並見集本

送裴璋還蜀因亦懷歸

前人

家在劔門外新年音信稀自為千里別已送幾人歸陌上
月集作日初落馬前花正飛離言殊未盡春雨滿集作濕行衣

送前鄆縣李少府

前人

近出圭峰下還期又不賒身閑多宿寺官滿未移家罷釣
臨秋水開罇對月華集作晚花向自當蓬集作臺閣選豈得卧集作忠

烟霞

送宜春裴明府之任

前人

南行春已晚路半水茫然楚望花當渡湘陰月集作橘蒲川
山橫湖色上帆出鳥行前此任無辭遠親入貴用賢

文苑英華卷第二百八十

登仕郎胡

柯

鄉貢進士彭

叔夏

校正

送曹中南歸

罷郎吟

集依胡
吟經

